


Wantok

Namba 593 — Wik i stat long 26 Oktoba, 1985



Tok save bilong ol Wantok Rida

• Tude bai yupela i lukim pe bilong Wantok Niuspepa long ol provins ausait long Mosbi i go antap long 30 toea. Mipela i apim pe bilong Wantok em bikos pe bilong salim ol niuspepa i go long ol provins i antap tumas.



• Namba tu pri-mia bilong Saten Hailans i givim tropi i go long kepten bilong Raiders tim bilong Tubuseria - lukim stori long pes 27.



• I gat wanpela smatpela rot bilong draim kopra. Ol pipel bilong Not Solomons na Is Nu Briten i train nau dispela rot. Ol i draim kopra long sakol paia - Stori i stap long pes 14 na 15.

Ol studen redi long eksam

MOA long 8,000 gret 10 studen bilong olgeta haikul insait long PNG bai wokim fainal tes bilong ol long neks wik. Bikpela tes bilong 800 gret 12 studen insait long sogeri, Kerevat, Aiyura na Passam Nesenel Haiskul bai kamap long stat bilong mun bihain. Dispela namba bilong gret 12 studen i wan-kain olsem namba bilong las yia. Tasol namba bilong ol gret 10 studen long dispela yia

em 492 studen moa i abrusim mak bilong las yia.

Moa long 42,000 gret 6 studen bilong ol komyuniti skul insait long kantri i sindaun long fainal tes bilong ol long dispela wik Tunde (22 Oktoba).

Seketeri bilong Edukesen, Mista Geno Roakeina i tok klia long dispela wik mande olsem 42,334 gret 6 studen i sindaun long tes bilong ol long dispela yia.

Ol refuji wet kot slip long haus sel

na no gat mani long baim bail



Wanpela lain Vanimo husat i protes i karim ol rait i soim olsem ol i givim sapot long Bishop Etheridge na laik helpim ol lain refuji.

MOA LONG wanpela wik nau, ol 42 refuji husat i stap yet long Vanimo plis sel i kaikai rais nating long belo na apinun. Long moning ti ol i brukim wanpela bisket namel long tupela man. Na em tasol.

Long taim bilong ren, ol dispela refuji husat i slip nating ausait long haus sel na wetim kot i save kism taim. Ol i no gat bet na ol i save slip nating long gras.

Klostu olgeta bilong ol dispela lain refuji husat i sanap long kot long sas bilong bagarapim ol haus, opis na samting bilong kontrol taua bilong Vanimo ples balus na Foren Afeas long Sarere 12 Oktoba i no gat mani long baim kot.

Ol pren na wantok long PNG i wok long salim mani long helpim ol baim K50 bail mani. Samting olsem 64 refuji i baim kot pinis. Na i gat 108 refuji olgeta i bin kamap long kot.

Ripot long Vanimo i tok olsem, 18 refuji husat i stap long haus sel na wetim kot i kism pinis sik malaria, na planti moa bai kism dispela sik tu sapos ol i no go insait long gutpela haus nau.

Ol plis na soldia long Vanimo i sanap was long ol dispela lain refuji long olgeta aua wantaim gan na no gat man nating inap long go toktok wantaim ol dispela lain husat i wet kot.

Namel long ol dispela refuji husat i bin kamap long kot long

Benny Bogg i raitim

Tunde 14 Oktoba, igat tripela manki em krismas bilong ol i aninit long 16 yia na tupela meri. I gat arapela tripela man refuji tu husat i kamap long sas bilong karim bom.

Ol dispela refuji i bin kamap long kot long protes egensim gavman bilong PNG na tingting bilong gavman bilong Indonesia long rausim 16 refuji i go bek long Wes Irian.

I gat 4-pela refuji i go pastaim. Nau gavman bilong PNG i tokaut pinis na rausim 12-pela moa refuji. Dispela i kamapim bikpela protes tru i kam long ol refuji bilong Blakwara kem

long Vanimo.

Ol dispela 42 refuji husat i wet yet long K50 long baim kot bilong olino save ol bai kism dispela mani we.

Ol i no gat lain wantok long PNG na tu ol i no wok mani inap long baim K50. Kot i givim ol rait long yusim telepon long ringim ol pren long PNG long salim mani bai ol i ken baim kot.

Long Faide Oktoba 25, ol Katolik yut grup long Vanimo bai holim wanpela danis long kamapim mani bilong baim kot bilong sampela lain refuji husat i wetim kot yet.

Ol refuji i protes tu long bikpela mani em Yunaitet Nesen Hai Komisina bilong Refuji i salim long helpim ol. Ol i tok olsem dispela mani i no

kamap yet long han bilong ol long baim kaikai, inap wanpela mun olgeta nau.

Foren Afeas Dipatmen tu i gat K16 tausen yet long givim i go long han bilong Katolik Misin long PNG long bekim ol mani em misin i bin yusim long helpim ol refuji long baim kaikai, klos na marasin samting.

Em hia nem bilong ol las 12-pela refuji em PNG Gavman i givim oda long rausim ol i go bek long ples bilong ol:

Robby Nian, Rehabian Nian, Aben Pagawak, Elias Kareni, Yu Visky Smas, Ebison Yakaewa, Luke Maro, Lamek Yoafifi, Hangor Mayor, Ben Buai, John Sarifei na Sam Yaru.

K500!
CASH TO BE WON IN EVERY WEEK
SPOT THE BALL

Sponsored by:

only in **Wantok**

your tok pisin paper out every Thursday

Paradise Nambawan



Ol pipel i sapatim Bisop Etheridge

Hailans Komand

LONG Minj insait long Westen Hailans provins ol stilim i bin holim pasim wanpela ka na ol i bin stilim K1,818. Plis ripot i tok dispela trabel i kamap bihain long taim ol i bin pasim rot.

Plis i wok long mekim wok painimaut yet.

Long Maun Hagen ol stilman i bin stilim K1,300 long tupela meri husat i bin wok long wanpela turis kampani. Dispela trabel i bin kamap long PNG Motas klostu long Warakum. Plis i mekim wok painimaut yet.

Wanpela haus i bin paia long Hagen Kopi na planti ol samting i bin bagarap. Tasol famili husat i bin stap insait long dispela haus i no bin kisim bagarap. Plis i mekim wok painimaut yet.

Plis long Enga Provins i tok ol stilman i bin ranawe wantaim K1,045 mani na ol samting i kos moa long K200 long Yaka Treting long Wabag.

Plis i tok dispela trabel i bin kamap long taim stua meri i wok long kaunim mani. Plis i holim pas wanpela mani em ol i bilip i bin stap insait long dispela trabel.

Boda Komand:

Long Westen Provins ol plis i holim pas wanpela meri bihain long taim ol i bin ting olsem em i bin stilim K2,359 long mun Februari i kam inap Oktoba 16. Dispela meri i bin wok wantaim Avdev Air long Kiunga, Westen Provins.

Long Kiunga tu Plis i bilip olsem wanpela mama i bin karamapim liklik pikinini bilong em long graun. Plis i tok dispela trabel i bin kamap long Kiunga Stesen long Oktoba 17.

Kostal Komand:

Long Lae Morobe Provins sampela man i bin sutim wanpela draiva bilong wanpela bas wantaim naip. Plis i tok dispela trabel i bin kamap long Is Taraka ausait long Mouyang Treting. Plis i tokout olsem tripela sutim i bin mekim dispela trabel tasol plis i mekim wok painimaut yet.


Long Lae tu ol stilman i bin brukim wanpela haus long Crane strit na i bin stilim ol samting i kos moa long K80.

Long Not Solomons Provins wanpela liklik pikinini krismas bilong em inap 2-pela ya i bin dring wara na dai bihain long taim em i bin pundaun insait long Toniva Wara long Kieta. Plis tok taim dispela pikinini i bin pundaun insait long wara na tait bilong wara i bin karim em i go.

Long Lae, ka i bin bamim wanpela liklik pikinini long taim em i bin wokabaut arere long rot. Dispela trabel i bin kamap long Aircops rot. Dispela pikinini i kisim bagarap na i stap long haus sik.

Long narapela ripot wanpela man i bin dai long Noten Provins bihain long taim em i bin pundaun long rot na wanpela ka husat i bin kam bihain long dispela ka i bin bamim em na em i dai.

Dispela trabel i bin kamap long taim dispela ka em dispela man i bin stap long en i wok long tanim wanpela kona long rot.



Bagarap i kamap long haus na opis bilong Forens Afeas long Vanimo long Sarere 12 Oktoba taim ol refuji i protes.

MOA long 500 ol Katolik pipel insait long Vanimo taun, ol ples na tu ol arapela sios i kamap bung na sapatim wanpela pepa em Siaman bilong Vanimo Katolik Paris i givim i go long Sandaun Primia, Paul Langro.

Siaman bilong Katolik Paris, Theodor Zuveni i bin holim dispela bikpela kibung long toktok na askim gavman long noken rausim Bisop John Etheridge bilong Vanimo Katolik Sios.

Planti long ol dispela lida bilong sios na ol pablik sevan na ol sampela mausman bilong ol arapela sios tu i toktok strong tru long askim primia i no ken rausim Bisop John Etheridge.

Ol i tok Bisop John Etheridge i mekim kristen wok na tu em i man bilong marimari long ol refuji. Ol i tok tu olsem long dispela protes mas long Sarere 12 Oktoba, Bisop John i bin kamap lukluk tasol na i no bin mekim wanpela samting long lidim dispela demonstreson bilong ol refuji long Blakwara Kamp.

Mista Zuveni i tok dispela kibung em long stretim hevi bilong Bisop na i no long mekim trabel. Insait long dispela forum planti ol lain lida long Katolik sios na ol pipel long Vanimo taun tu i bin autim tingting bilong ol.

Mista Wegra Kenu, wanpela komyniti lida husat i makim Waromo katolik pipel i tok, dispela ripot bilong ol Provinsal Intelijens Komiti na nesenal Intelijens Ogenaisies long Vanimo i no mekim tru ripot bilong rausim Bisop John. "Em i tok mi laik askim, Siaman bilong P.I.C olsem, em i bin stap wea tru long dispela bikpela protes i bin kamap long taun?"

2. "Long wanem as tru na gavman i laik rausim Bisop John Etheridge. Mipela i save olsem Bisop i mekim bikpela wok long helpim ol refuji long bihainim tasol pasin bilong ol wok misinari.

3. "Dispela ripot bilong P.I.C. na N.I.O. long Vanimo tok long Bisop John Etheridge i go pas long dispela demonstresin em i no tru. Bisop John em man bilong marimari na em i laik luksave wanem samting tru bai kamap long ol refuji.

4. "Mi laik askim tu Primia long askim Polis o kirapim wanpela independen komiti long painimaut as bilong dispela hevi na painimaut husat tru i mekim dispela rong. Na salim ol i go long kot. Na kot yet i ken painim husat man i kamapim rong.

5. Mista Kenu i



Bishop John Etheridge i toktok long ol pipel bilong Vanimo na ol lain refuji.

askim tu, Primia, olsem wanem tru na i nogat wanpela man yet long boda lain i stap insait long Boda Liesen Komiti. Long wanem ol pipel long boda i save tru long ol hevi bilong boda na tu ol inap helpim long stretim ol hevi hariap tasol. Na long dispela demonstresin i no inap long kamap sapos ol dispela Boda Administresin komiti bung na toktok wantaim ol long stretim dispela liklik. Long wanem dispela em i hevi bilong provins na i no karamapim kantri.

Robert Takra, wanpela sios kaunsil long Vanimo i bin askim primia tu sapos, inap Ombudsmen Komisn i ken go na painimaut tru long dispela hevi i

kamap long Bisop. Long wanem, nem bilong Bisop John i bagarap pinis long wok bilong em long marimari.

Robert Takra i askim tu, ol dispela lain gavman Liesen opisa long boda long tok aut long ol pipel long Vanimo na PNG olsem ol i wrong long mekim ripot bilong rausim Bisop Etheridge long kantri.

Wanpela mausman bilong ol Tisa asosiesin insait long Vanimo i bin aksim tu Primia long wanem ol promis bilong em i go long ol tisa husat i wok insait long ol bikbus klostu long boda mak. Em i tok ol tisa i pret pinis, olsem ol OPM bai bekim long ol sapos ol harim olsem gavman

bilong PNG i rausim ol OPM sapatim i go bek long Wes Irian.

Wanpela Sios lida tu i bin askim Primia, Langro sapos i tru olsem primia i save long tingting bilong gavman long rausim dispela 12-pela refuji las wik.

Primia Langro i bin tokim ol 500 pipel olsem, ol gavman opisa long Boda Administresin i no toksave long em long wanem samting i kamap long ol dispela lain refuji.

Mista Langro i tok, em i no bin save tru long dispela samting inap moning long taim dispela demonstresin i bin kamap na Bisop John Etheridge yet i bin tok save long em.

Tait i bagarapim ples

BIKPELA ren na wara tait long Maprik Is Sepik Provins i kilim dai wanpela meri na kamapim bikpela bagarapim long ol kaikai gaden na ol arapela samting.

Ol ripot i kam long Wewak i bin tok olsem dispela meri husat i bin dai i bilong Kumigi Viles long Yangoru. Ol

ripot i bin tok olsem dispela meri husat i gat 42 krismas i bin traim long brukim tait wara bilong Warabung na wara i bin karim em i go. Dispela trabel i bin kamap long Fraide na ol i painim bodi bilong long Sarere apinun.

Ol Wes Sepik pipel i laikim tok save

OL MANMERI long Vanimo long Wes Sepik i bin kirap nogut tru na pret long taim ol refuji long Blakwara refuji kem i bin holim wanpela mas we ol i bagarapim foapela ka bilong gavman na opis bilong Foren

Afeas wantaim wanpela haus bilong Boda Edministresin Opisa, Mista Moses Poie.

Ol pipel tu i no amamas long wanem ol plis i no kamap hariap na stapim ol refuji husat i wok long bagarapim ol dispela

samting bilong gavman.

Wanpela long ol dispela man, Mista Ignas Wunum, i bin toktok strong tru na askim Memba bilong Vanimo/Green insait long Nesenal Palamen, Micah Wes Wul, na ol narapela lida wantaim

ol opisa bilong gavman long tok klia long olgeta manmeri long Vanimo long ol toktok hat bilong refuji.

Tasol long Mande 14 Oktoba tripela long samting olsem 200 refuji husat i bin bagarapim ol samting long Vanimo, i bin

kamap long ai bilong Vanimo distrik Kot.

Plis i bin sasim tripela long karim sampela kain samting inap long bagarapim bodi bilong ol narapela manmeri na tu olsem ol i no gat gutpela as bilong karim ol dispela samting.

ALU SIGNS
PO BOX 7081 BOROKO
TEL: 25 4691
NEAR BOROKO POLICE STN

POTOKOPI PEPA
Watpela na 9-pela
arapela kala
Ritel/Holsel

ALU SIGNS
PO BOX 7081 BOROKO TEL: 25 4691
NEAR BOROKO POLICE STN

engraved
**SIGNS
BADGES
PLAQUES**
Country orders welcome

Skul na haus sik bai kisim fri wara

NESENEL Gavman i gat plen long givim fri wara saplai long ol skul na haus sik insait long PNG namel long liklik taim bihain.

Eking Minista bilong Woks na Saplai, Mista Mathew Bendumb i tokaut long dispela wik Mande olsem bai Dipatmen bilong Woks i raitim kamap wanpela ripot. Dispela ripot bai gat sampela askim bilong lukluk gen long aslo bilong Nesenel Wara Saplai na Suris Bot.

Long wanem em i gat strongpela astingting long larim Nesenel Kabinet i senisim dispela aslo bilong wara saplai kwiktaim.

Mista Bendumb i tok dispela aslo bilong

Wara Bot i stap inap 10-pela yia pinis. Na dispela lo i abrus tru long helpim ol pipel bilong dispela kantri tude. Olsem na em i laikim Gavman i senisim ol dispela olpela lo na traim long helpim ol skul pikinini na haus sik. Long wanem dispela tupela ples bai givim helpim long kantri long olgeta taim bihain.

Dispela toktok bilong senis i kamap bihain long hevi bilong wara saplai i bungim 5-pela komyuniti skul long Lae siti.

Mista Bendumb i tokaut olsem em yet i no laikim ol skul pikinini na sikmanmeri i hatwok long baim fi bilong wara. Long wanem ol dispela pipel

i asua. Na maski long mekim ol i kisim nogut long asua bilong aslo i pusim pipel biong stretim fi bilong wara saplai. Em i tok ol dispela lo i wankain olsem planti hatpela lo bilong gut taim bipo na PNG i mas sensim ol dispela lo nau.

Em i tok, "Astingting bilong bringim kamap dispela senis i bilong givim fri wara saplai long ol haikul, komyuniti skul na haus sik long olgeta hap bilong kantri. Mi bilip bai Kabinet i tok orait long dispela tingting.

Long wanem mi ting mipela ol lida i mas go pas long stretim rot bilong skul bilong ol pikinini na gutpela sindaun bilong ol sik pipel long haus sik."

Somare i hatim gen ol

OPM



● Michael Somare

PRAIM Minista Michael Somare i tokaut strong egen-sim ol lain OPM husat i wok long yusim graun bilong Papua Niugini long kamapim pait wantaim Indonesia.

Mista Somare i mekim dispela tok long taim em i go stap insait long kibung bilong lida bilong ol Komonwelt kantri.

Insait long wanpela meeting wantaim ol niusman long kantri Bahamas Mista Somare i tok PNG i tingting long lukautim lain i kalapim boda na refuji tasol ol i no laikim ol OPM lain.

Mista Somare i tok em i les pinis long ol lain OPM. Em i tok

sapos ol i operate yet long graun bilong Papua New Guinea bai ol i kisim taim stret.

Mista Somare i tok sapos ol lain OPM i laik

kamapim pait wantaim ol Indonesia ol i mas mekim long graun bilong ol yet long Irian Jaya. Na i no long graun bilong Papua Niugini.

Praim Minista i tokaut strong olsem dispela problem long PNG Indonesia boda em i samting bilong dispela tupela kantri long stretim.

Mista Somare i tok em bai no inap long toktok wantaim ol narapela komonwelt kantri long problem bilong boda.

Emitok gavman

wankain tingting tasol long stretim dispela trabel.

Mista Somare i tok ol lain pipel i bin ranawe lusim kantri bilong ol bilong wanem ol lain OPM i pretim ol na rausim ol.

Em i tok ol lain boda krosa i no gat tingting long mekim PNG i kamap olsem ples bilong ol.

Mista Somare i tok sapos ol refuji i laik stap olgeta long Papua Niugini orait bai gavman i ken lukluk long wan wan refuji na painimaut sapos ol i mas stap o nogat.

Wasengla i laikim

gavman stesin

OL PIPEL Long ol ples long Wasengla long Imonda Distrik bilong Wes Sepik Provins bai askim gavman long rausim gavman stesin long Imonda na putim long Wasengla. Provinsal memba bilong Imonda insait long Sandaun Provinsal gavman Zachari Anda i bin tokaut long dispela tingting bilong ol pipel bilong em.


Mista Anda i tok olsem 3.000 pipel long hap bilong Wasengla i no save kisim gutpela

helpim i kam nau long ol gavman opisa insait long dispela stesin.

Mista Anda i tok olsem gavman i westim taim na mani bilong en long larim stesin i stap bikos nau ol opisa i no save go insait long ol ples na toktok long ol pipel. Na em i tok tu olsem nau dispela ples i longwe tru long ol arapela senta insait long kantri na ol pipel i painim hat long kisim toksave long wanem samting i kamap long ol arapela hap bikos ol pipel i no save lukim ol opisa bilong gavman.

Ka i spin long stua

● I luk olsem ka tu i laik go insait long stua ya. Dispela ka i bin ranawe long mama bilong en na i sut i go stret long wanpela stua long Mosbi. Nogat man i bin kisim bagarap.



Gavman i sapatim mirakel meri

IOA MOREA BOIORI, bilong Baruni Viles klostu long Mosbi bai kisim bikipela helpim i kam long Nesenel Gavman, sapos em i laik helpim long wok bilong em.

Minista bilong Nesenel Plening na Developmen, Mista Bebes Korowaro i tokaut long dispela wik Tunde olsem Nesenel I Gavman bai was gut

na sapatim Boiori. Long wanem gavman i bilip dispela pawa bilong Boiori long go het long helpim bikipela namba bilong pipel long PNG.

Mista Korowaro i tokaut olsem em i bringim kamap dispela tok bilong sapatim Boiori insait long kibung bilong Nesenel Eksekutiv Kaunsil long las wik. Em i tok klia long Boiori long tingting bilong gavman pinis. Na em bai go lukim Boiori long Baruni Viles namel long dispela wik.

Mista Korowaro i askim ol pipel long no ken tok baksait long Boiori long dispela wok bilong em long stretim ol sik pipel. Dispela askim bilong em (Mista Korowaro) i sut long tok lukaut bilong wanpela privet dokta long Mosbi, Dokta Jim Jacobi. Long wanem

Dokta Jacobi i bin tok olsem dispela wok bilong Boiori i ken bagarapim bilip na sindaun bilong ol pipel long marasin bilong haus sik.

Mista Korowaro i tok meri, Ioa Boiori, i mekim wok aninit long strongpela bilip bilong pipel tasol. Ol pipel husat i bilip tru long dispela mirakel pawa i stretim kain kain sik bilong ol i ken go het long lukim Boiori. Sapos ol pipel i no bilip tumas na mirakel pawa i popaia long stretim hevi bilong ol, em Boiori i ken tok klia long asua.

Bung bilong ol Pentekos Sios long Gerehu, Mosbi i tamu-bim lain memba bilong ol long lukim Boiori. Ol dispela sios i putim kamap bung bilong Pastor Peter Youngren long dispela wik Trinde. Pastor

Youngren i kirapim wok raun bilong yusim pawa bilong God long stretim kain kain sik bilong pipel tu. Na bung bilong em i kirap long dispela wik Trinde na bai pinis long dispela wik Sande.

Ol Pentekos Sios i lukautim wok "kruset" bilong Pastor Youngren i tokaut long dispela wik Mande olsem Ioa Boiori i no wok aninit long pawa bilong God. Na ol i no laikim lain memba bilong kongregesen insait long Mosbi i bilip long wok mirakel bilong Boiori.

Sief Warant Opisa bilong Difens Fos, Mista Gilbert Wilkinson i toktok egensim dispela wok bilong Boiori long las wik Fraide tu. Em i yusim Baibel long tokaut olsem spirit nogut bilong graun i staim

wok bilong Boiori. Em i mekim dispela tok bihain long Boiori i popaia long stretim sik bilong wanpela liklik kandre man bilong em long las wik Fonde.

Toktok bilong Mista Wilkinson, Dokta Jacobi na Pentekos Sios long Gerehu i kirapim belhevi long ol arapela sios.

Hetman bilong Katolik Sios long PNG, Asbisop Peter Kurongku na Modereeta bilong Yunaitet Sios long PNG na Solomon Ailan, Reveren Albert ToBurua i sapatim wok bilong Boiori. Ol i askim ol pipel long tenkyu long God i givim pawa long Boiori long mekim kamap wok bilong stretim sik. Sapos ol pipel i gat bilip long dispela wok, ol i mas rispektim Boiori. Long wanem Boiori i no kisim pe long mekim



Ioa Boiori



Bebes Korowaro, i

dispela mirakel wok bilong em.

Asbisop Kurongku na Reveren ToBurua i tok ol praivet dokta long mosbi i gat gutpela as long egensim Boiori. Long wanem ol i save olsem ol bai

lusim mani, sapos planti sik pipel i abrusim praivet haus sik na go long Boiori.

Tasol i mobeta long larim ol pipel i kisim kain marasin ol i gat laik long en.

ALU SIGNS
PO BOX 7081 BOROKO TEL 25 4600
NEAR BOROKO POLICE STN
WALL CLOCKS
FROM 18.50

ALU SIGNS
PO BOX 7081 BOROKO TEL 25 4600
NEAR BOROKO POLICE STN
TELEX ROLLS 3.99
TELEX TAPES 2.96
TELEX RIBBON 2.50
Retail/Wholesale

ALU SIGNS PTY LTD
PO Box 7081 Boroko Tel 25 4600
Store near Boroko Police Stn
TYPING COURSES
Beginners Classes K9.50 per week two full hours each day which is 10 hrs per week. Brush up your typing before applying for a job!



Skruim tok yet

Las wik, wik bipo na dispela wik, nius bilong ol refuji i karamapim pepa na taim long redio long kantri bilong yumi. Ol pepa bilong ovasis kantri tu, ol i toktok long kain pasin i kamap long ol refuji bilong Wes Irian namel long PNG na Indonesia.

Gavman bilong yumi, PNG, i gat wanem kain plen tru wantaim kantri Indonesia na i wok long salim ol saveman bilong Wes Irian i go bek. Ol dispela saveman tasol i pait egensim tingting bilong Indonesia i lukautim kantri Wes Irian. Ol tasol i toktok long kantri Wes Irian i mas independen. Ol tasol i save bai ol i bagarap long han bilong Indonesia sapos ol i go bek.

Tasol, Indonesia i pasim tok pinis wantaim PNG long sampela plen bilong salim ol refuji i go bek. Olsem na sampela wik i go pinis, gavman sip i bin kisim sampela i go.

Las wik 108 refuji i kamap long kot. Ol i no kaikai gut na ol i no slip long tupela haus. Ol tu bai redi long go bek sapos loman, Bernard Narokobi i no winim kot bilong ol.

Sapos gavman i kros long OPM, olsem wanem na ol refuji nating long PNG graun nau i wok long painim taim nogut long han bilong Foren Afeas, Nesenel Intelejens Oganaisesen na plis long Vanimo? Husat inap bekim ol dispela askim?

Trabel krungutim Madang gen

Bikpela raskol pasin i kamap long Madang taun tasol gavman bilong primia Max Moeder i no seksek.

Mista Moeder i tokim Wantok Niuspepa olsem planti bilong ol trabel i kamap long Madang i no nupela samting.

Em i tok Nesenel gavman na ol provinsal gavman bilong bipo i save seksek tumas long ol trabel. Tasol ol i no save traim painim as bilong ol trabel.

Mista Moeder i bin mekim dispela toktok bihain long ol raskol i bagarapim tupela meri long Madang long wik i go pinis. Long wanpela miting bilong provinsal kabinet long Trinde Oktoba 23, ol lain ministra

bilong provinsal gavman i paitim toktok long dispela raskol pasin i kamap long Madang taun.

Planti bilong ol i minista na Mista Moeder yet i tok planti ol man i save seksek long taim ol raskol i bagarapim wanpela waitmeri tasol ol i no save sanap strong long taim ol raskol i bagarapim ol meri bilong PNG yet.

Dispela em i namba wan taim tru bilong ol raskol long bagarapim wanpela waitmeri long Madang.

Primia i tok Madang i wanpela turis taun na gavman bilong em i mas givim tingting long dispela sapos ol niuspepa i karim planti stori nogut

long Madang ol turis man bai i no inap kam long Madang.

Mista Moeder i tok olsem sindaun bilong ol pipel i mas stap gutpela na sapos i gat ol raskol gavman bilong Madang bai rausim ol.

Mista Moeder i bin tok em i laik painimaut as tru bilong ol dispela trabel olsem na em i kirapim ol program bilong helpim ol skul liva na ol man long viles.

Bai i gat wanpela mobile plis skwat i stap oltaim long Madang.

Provinsal gavman i no gat mani long lukautim mobile skwat tasol semba bilong Komasi bin tok ol bai givim kaikai na ples bilong sindaun long ol plis.

Primia Moeder i tok i bin gat toktok long bringim wanpela stet ov imejensi olsem long Mosbi i kam insait long Madang. Tasol Mista Moeder i tok dispela samting bai kostim planti mani tumas. Na em i tok tu olsem em i wanpela rot bilong stapim raskol pasin nau tasol bai i no inap long stapim kain pasin olsem oltaim.

Em i tok mani bai go nating na no gat plen bilong bihaintaim.

Primia i tok tu olsem aslo bilong Papua Niugini i givim ol man planti fridom tumas. Em i tok sapos em i gat pawa bai em i senisim aslo na stapim ol man long muv nabaut long laik bilong ol.



• Ol pipel bilong Madang i bin mekim bikpela protes las yia long soim olsem ol i no amamas long ol trabel i kamap long taun bilong ol.

Ol fama bai no inap saplaim siti

OL LOKAL fama insait long Sentral Provins i o redi long salim inap saplai bilong kumu na lokal kaikai long pipel bilong Mosbi siti.

Kibung bilong Sentral Provins Growas Asosiesen i toktok long dispela hevi long dispela wik Mandé. Dispela kibung i kamap bihain long Nesenel Gavman i putim strongpela lo bilong tambuim ol kumu i kam long ovasis. De bilong dispela lo i stat long namba wan de bilong dispela mun.

Sampela lokal fama long Tapini na Goilala eria bilong Sentral Provins i tok ol i gat inap kaikai long saplai long Mosbi siti. Tasol ol i painim hevi long

rot bilong karim ol kumu i kam long maket. Ol i tok maunten i save brukna pasim daun liklik rot sampela taim.

Seketeri bilong Growas Asosiesen, Mista Grame Ross i tok dispela liklik rot bilong ka namel long Tapini na Mosbi i no gutpela tumas. Ol kampani o bakstua bilong baim na salim kumu i save sot long saplai. Long wanem ol lokal fama i bungim hevi bilong rot.

Mista Ross i klia olsem gavman na sampela kampani long Mosbi i kirapim rot bilong kisim kumu long Hailans i kam long Mosbi long stat bilong dispela yia. Tasol dispela bisnis i pun-daun. Long wanem kos

bilong baim balus long karim kumu i bikpela tumas. Na bikpela mani i lus nating, bikos planti pipel i no save baim kumu na sampela taim ol kumu i stap longpela taim na sting nating.

Em i tokaut olsem Goilala eria i ken planim ol kain kumu bilong kol ples. Tasol ol dispela pipel i gat kain kain rot bilong tumbuna long wokim singsing na amamasim kaikai. Ol prais bilong baim na salim kumu long Mosbi siti i gutpela tru, tasol ol lokal pipel i tingting tumas long ol dispela pasin tumbuna na i no wari. Sapos ol i klia long dispela bisnis bilong helpim ol, em bai ol i amamas long lukautim gaden kaikai

long painim mani long en.

Em i tokaut tu olsem em i gat hap pepa bilong Agrikalsa Bengi tok klia long rot bilong helpim ol agrikalsa bisnis insait long PNG. Tasol i no gat tok save long rot bilong helpim ol pipel long planim kaikai o kumu. Tasol wanpela opisa bilong Agrikalsa Bengi i bekim tok olsem planti lokal fama, bisnis grup o wan wan manmeri in o aplai long beng long kisim dinaumani.

Nesenel Gavman i askim dispela beng long givim 80 pesen bilong ol dinaumani long wok agrikalsa. Tasol planti man i no klia long dispela aslo bilong helpim ol i kirapim kaikai o kumu maket.

Didiman opisa na siaman bilong kibung, Mista George Gorogi i promis long bungim Minista bilong Praimeri Industri long painim rot bilong kirapim smatpela kumu maket long Mosbi. Na em bai tokaut long ol dispela hevi bilong bikrot wantaim minista bilong em.

Mista Ross i tok, "Sapos rot bilong kisim Hailans kumu i kam long Mosbi i dia tumas, orait, em i gutpela taim nau long helpim ol lokal growas bilong Sentral Provins.

Liklik hevi bilong mekim kamap dispela samting em i bikrot bilong ka na mani long transport.

WANTOK NIUSPEPA
Nius i kamap 52 taim long yia

Opis bilong Edita na edvetaising long PNG

P.O. Box 1982, Boroko
Telepon: Mosbi - 25 2500,
Teleks: NE 22213
Edvetaising - Telepon: 25 2500

PE BILONG WANPELA YIA. 52 NIUSPEPA

Ples	Air Surface
Port Moresby	K20 K20
PNG	K29 K29
Australia & Sol Islan	K60 K39
New Zeland & Pacific	K78 K46
America & Europe	K118 K60

Printed and published by Rowan Sidney Callick, of Winter street Granville, at Allotment 2, Section 209, Hohola.

ALU SIGNS
PO Box 781, BOROKO Tel: 25 4600
NEAR BOROKO POLICE STN

VIDEO / TV TROLLEYS
from K53.70
Chrome Plated
Glass Top

ALU SIGNS
PO Box 781, BOROKO
Tel: 25 4600 111 2303
STORE NEAR BOROKO POLICE STN

VISA PHOTOS
ONLY K2.00
FOR 3
READY IN MINUTES

ALU SIGNS
PO Box 781, BOROKO TEL: 25 4600
NEAR BOROKO POLICE STN

BRIEF CASES
large range Plastic
& Genuine Leather

Daisy Cares
SUPPORT HANUATEK

We stock
T-SHIRTS: Low cost, personally designed cotton t-shirts
Cane Furniture: High quality, low cost, made to order

Visit HANUATEK yourself (next to Badili Vocational School) or phone:

HANUATEK 21 3565
SPATF 21 2744

The refreshing taste of milk!

The Salvation Army

Red Shield Appeal 1985

24th October, 1984.

*An open letter
to our friends,*

The Salvation Army is very grateful for your support. But 1985 has been a hard year, and we very much want to achieve our goals. We need to raise K85,000 in our appeal, but so far we have only k58,189-97. We need many more donations yet.

Our work needs the support of your help. We hope you can respond by sending your cheque or money order with the coupon at the bottom of this letter.

IF YOU HAVE SENT A DONATION - THANK YOU. A receipt will be sent to you soon.

If you haven't sent a donation, please help us now to achieve our goals.

Yours sincerely,

The Salvation Army

Post-Courier, Wednesday, October 2, 1985 — 3

Crime will not stop Army work

By PETER KILI

Crime committed against Salvation Army staff will not affect the church's work among the people of PNG.

World leader of the Army, General Jarl Wahlstrom, said this in Port Moresby before leaving for Sydney yesterday.

He was commenting on two brutal attacks on two church nurses recently.

"I do not believe the crimes were directed against the church itself but it was just one of those unfortunate things that happen," he said.

"We will have to go on with our work because we are here to serve the people," General Wahlstrom said.

His first trip to PNG is part of a tour that includes Switzerland, Singapore and Australia.

General Wahlstrom also praised his staff here for the work they have done for the country.

"I have seen what they do to help the people here, and it is very encouraging," he said.

"They also work closely with the community leaders, and I think that's a really good idea."

yesterday that response from the Army total over

RED SHIELD APPEAL

*Every Gift is appreciated
and very helpful!*

I would like to help you achieve your goal, and to help others by giving:—

- K500 K250 K100 K50 K25 K10 K5 K

NAME/COMPANY

ADDRESS

**PLEASE SEND YOUR
DONATION WITH
THIS SLIP.**

my cheque/money order is attached.

Buimo kalabus i gat laibri na haus lotu

OL KALABUS husat i stap long Buimo haus kalabus klostu long Lae i ken stap isi na amamas bilong wanem ol i kisim nau wanpela nupela laibri na haus lotu.

Dispela i bin kamap bihain long taim ol manmeri na ol bisnisman, na kampani i bin givim helpim long kamapim dispela tupela projek.

Dispela Laibri bai i sanap namel long ol kompaun bai i holim planti ol buk na kain kain magasin na tu ol arapela samting bilong ritim. Dispela laibri bai i traim na helpim ol dispela kalabus man long traim na kisim gutpela save na tu long

traim na helpim ol long ritim ol arapela samting.

Planti ol dispela buk i bin kam long Lae Siti Interim Otoriti Yunivesiti bilong Teknoloji, Kristen Pres long Madang, Baptist Sios long Arawa, Morobe Provinsel Gavman na ARC Titan.

Mista Biambo Ietero husat menesa bilong Lae Siti Interim Otoriti i bin tok olsem em i bin amamas tru long ol helpim ol man olsios ol bisnisman na tu ol kampani insait long Lae i bin givim na tu long ol arapela senta husat i bin salim ol samting i kam long mekim dispela tupela projek.



Geoff Laphorne:

Mista Ietero i tok em i amamas long lukim komyniti i gim helpim long ol man husat i stap long haus kalabus. Mista Ietero i tok em i ting olsem dispela projek bai i samting olsem K30,000 na i

ting olsem bai i stat long narapela yia.

Konsend Kristen Grup i bin kamapim dispela aidia wantaim lida bilong ol senia majistret Geoff Laphorne.

Bisop i tingting long bihaintaim

Asbisop bilong ol Katolik long Mosbi, Asbisop Peter Kurongku i mekim wanpela tokaut long dispela wik olsem Papua Niugini i gat bikpela birua o hevi long boda tasol bai dispela hevi i no inap long pinis kwiktaim.

Bisop Kurongku i tok ol pipel long hapsait long boda i wankain olsem yumi na bai ol i brukim boda na kam yet long PNG.

Em i tok Katolik sios insait long tupela yia i bin givim ol refuji ol kain samting olsem klos na kaikai na Bisop John Etheridge bilong Vanimo i wok long lukautim dispela wok bilong stretim ol samting i go long ol refuji.

Bisop Kurongku i tok Bisop Etheridge i bin kisim tupela pretim i kam long gavman olsem bai ol i rausim

em long Papua Niugini. Tasol Bisop Kurongku i bin tok ol dispela lain husat i wokim dispela kain toktok i no wari long ol wari o hevi bilong ol pipel.

Em i tok Bisop Etheridge i wok long kisim bikpela tok pait bilong wanem em i save helpim ol refuji.

Bisop Kurongku i bin tok olsem dispela pasin gavman i bin

mekim long wik i go pinis i bin kamap olsem ol refuji i bin harim ol toktok na i bin mekim ol i bel kaskas olsem na dispela pasin i bin kamap.

Long mun Me long yia i go pinis Bisop Etheridge, i bin holim wanpela kibung wantaim Michael Somare, Praim Minista Mista Michael Somare tasol dispela birua long boda em i no nupela samting

ALU SIGNS
PO BOX 7081 BOROKO TEL. 25 4600
NEAR BOROKO POLICE STN

STATIONERY
The largest range
in PNG
Retail/Wholesale
Mail Orders

ALU SIGNS
PO BOX 7081 BOROKO TEL. 25 4600
NEAR BOROKO POLICE STN

I.D. BADGES

"Westap takis kliarens setifiket bilong yu?"


Olsem wanem! PMV bilong yu i no ran gut moa? Yu save baim bikpela takis tumas tu?

Coopers & Lybrand bai helpim yu long stretim ol dispela takis na soim yu long rot bilong baim liklik takis tasol. Lukim Coopers & Lybrand nau tasol na putim PMV bilong yu long stretpela rot gen.

OFFICE			
Boroko	25 8644	Lae	42 2644
Port Moresby	21 1500	Madang	82 2262/82 2573/42 2680
Arawa	95 1355	Mendi	59 1111
Goroka	72 1177	Mount Hagen	52 1092/52 1664
		Rabaul	92 2322
		Wewak	86 2692/86 2577

Coopers & Lybrand

YAMAHA I GAT NEM LONG OLGETA HAP BILONG KANTRI



Long taim yu baim wanpela autbot moto yu laikim wanpela i strongpela, i gat moa pawa na i no inap kostim bikpela mani.

Yamaha inap givim yu dispela tripela samting long gutpela prais! Kam lukim ol kain kain Yamaha autbot moto long Ela.... ol i gat nem long olgeta hap bilong kantri na i gat wanpela i redl long yu nau.

Ol Yamaha bot em ol i wokim long strongpela faibagias, i no inap bagarap winim planti yia.

ELA MOTORS YAMAHA

POWERING THE NATION



PORT MORESBY 21 7036 • LAE 42 2322 • RABAU 92 1988 • MADANG 82 2188 • GOROKA 72 1844 • MT. HAGEN 52 1888
WEWAK 86 2255 • POPONDETTA 29 7240 • KAVIENG 94 2132 • KIETA 95 6083 • KIMBE 93 5155 • TABUBIL 58 9060

A MEMBER OF THE BURNS PHILP GROUP

Laikim saplai bilong Wantok niuspepa

Dia Edita — Mi amamas tru long wantok na pren bilong mi i save baim o kisim Wantok Niuspepa na larim mipela ritim long olgeta wik. Mi laikim yupela i salim dispela niuspepa i kam long mi. Mi no save. Ating ol i save baim dispela niuspepa o kisim nating?

Mi bilong bus olsem na mi no klia. Tasol mi save laikim Plis Ripot, kain kain spot pilai na nius bilong ol memba bilong palamen, stori bilong lo na oda na ol sampela nius.

Mi no save bai mi kisim dispela niuspepa we mi salim dispela leta. Sapos nogat, orait, maski. Em tasol mi askim yupela long en.

Joseph Kamdan, Kup-Konmugl Katolik Misin, Kundiawa. Simbu Provins.

Wok bilong Provinsal gavman

Dia Edita — Mi laik bekim pas bilong John Yama i bin kamap long Wantok namba 591.

Mi amamas long pas bilong em i toktok long taun kaunsil i mas stretim ol pablik toilet insait long taun. Em i gutpela toktok bilong yu bikos dispela i wok bilong ol kaunsil.

Tasol wanpela narapela hap tok bilong yu i paul liklik. Yu bin komplem long kimbe i 4-kona taun. Dispela wok bilong kirapim Kimbe taun em i santing bilong provinsal gavman na em i no wok bilong tu taun

kaunsil. Larim ol dispela tupela lain i mekim wok bilong ol long stretim Kimbe taun. Wok bilong yu em long wok mani na baim takis i go long helpim Kimbe taun i kamap bikpela.

Jazon Dawson
Arawa. NSP.

Ol refuji i ken marat long PNG

Dia Edita — Dispela askim bilong mi i go long gavman bilong PNG na Indonesia. Sapos ol lain refuji husat istap nau long ol kem long PNG i laik maratim wanpela man o meri bilong PNG bai gavman i larim ol istap hia o olsem wanem.

Yumi save olsem

maski bilong yumi i salim ol go bek long ples bilong ol, sampela bilong ol bai i kalapim boda i kam bek gen. Mi lukim dispela kain pasin olsem na mi askim dispela tupela kwesten i go long gavman. Na mi laikim nesenel gavman na ol provinsal gavman

o'nogat

bilong PNG i wok bung na lukluk long sindaun bilong ol lain brata na susa husat i stap wantaim yumi nau.

G.K. Muglino,
Vanimo. Wes Sepik.

Ol manipes papamama

Dia Edita — Mi save lukim papamama bilong ol vangpela meri i pusim pikinini meri long maratim ol man i gat planti mani.

I no longpela taim bihain long meri i marat, bai papamama na brata susa bilong meri i go pulap tru long haus bilong tupela marat ya. Ol bai fultaim long haus bilong tambu i go go na pinisim mani bilong tambu. Bihain long man i no gat mani moa, em bai papamama i pusim pikinini meri long lusim man na i go maratim narapela man gen.

Bihain bai papamama i pusim pikinini meri long lusim namba tu man na kalap i go long namba tri man. Man, man, ating yu-

pela ol papamama i save les tru long mekim wok long gaden, laka? Na yupela i save salim pikinini meri bilong yupela long ol man i gat pantu mani.

Yupela i mas traim na stapim dispela kain pasin. Sapos yupela i mekim dispela pasin i go yet, bai yupela i bagarapim marat bilong pikinini meri na man bilong em. Na bai no gat gutpela sindaun bilong ol long bihaintaim.

Yupela i mas harim dispela tok gut tru. Yupela i no pik o dok. Yupela i manmeri. Em tasol na mi bilip bai yupela ol papa i no inap mekim dispela pasin gen.

Pryde Namux &
Craig Nati Kata,
Kainantu. EHP.

Husat i laikim graun

Dia Edita — Mi laik mekim kamap wanpela tok save i go long pablik. Sapos yu husat manmeri i no gat graun insait long kantri bilong yumi PNG, yu mas raitim pas i kam long mi.

Mi gat wanpela hap graun i stap nating. Dispela graun i stap long we liklik long Arawa taun long Not Solomons Provins. I no gat rent long en. Sapos bihain mipela i lukim sindaun bilong yu i gutpela, em bai mipela i ken askim yu long wanem kain rent tru inap long yu givim mipela.

Sapos yu laik kisim moa toktok long dispela samting, yu ken ringim mi long telepon namba 95-2943.

Aropa Wara,
Arawa. NSP.

PNG Kristen kantri nating

Dia Edita — Mi save harim planti bilong yumi i tok olsem PNG em i wanpela kristen kantri tru. Tasol mi no ting PNG em i wanpela kristen kantri. Sapos em i kristen kantri, orait, yupela i mas lusim olgeta bikhet pasin.

I gat kain pasin nogut olsem ol geng bilong mekim trabel, stil, holim pasim na bagarapim meri long rot, brukim stua na ol

kain kain rabis pasin nabaut. Dispela kristen kantri em i wanpela rabis kristen kantri tru.

Plis, yumi i no pik na dok. Yumi man. Yumi mas harim tok na stap gut. Em bai kantri bilong yumi i ken kamap kristen kantri tru.

Dispela kain pasin bilong stilim samting bilong narapela manmeri na kilim manmeri indai i mekim nem

bilong yumi i nogut olgeta.

Long bipo, ol i tok PNG em i wanpela gutpela kristen kantri. Tasol nau, i nogat na rabis olgeta. Yumi mas traim na sem liklik long sios na lotu i stap long PNG nau.

Planti lotu olsem Katolik, Luteran, Yunaitet, Angliken, Jehova Witness, A. O. G. Misin na arapela sios i stap. Yumi mas sem long ol lotu bilong yumi insait long PNG na yumi stap isi.

Mi wanpela man bilong Maprik, Is Sepik Provins. Nau mi stap long Kimbe, Wes Nu Briten Provins. Gutbai na God i blesim yupela.

Clement Waulan
SBLC Reforest
Divisen
P.O. Box 162
Kimbe. WNPB.

Tok Save i go long ol man i save salim pas long Wantok. Sapos yu no putim nem tru bilong yu long pas mipela i no inap prinim leta bilong yu.

Askim i go long Mosbi reperi

Dia Edita — Mi gat liklik wari bilong mi i go long dispela tupela man, Mista Ian Moule na Michael Vee. Ol i save lukautim Mosbi Soka Reperi Asosiesen.

Long las yia, mipela 16 manmeri i go mekim kos bilong reperi long haus bilong Mita Vee. Dispela kos i stap inap tripela mun. Na mipela i kisim tes insait long Woks na Saplai Treining Skul. Mista Vee na Ian Moule i givimaut dispela tes long mipela.

Ating mipela ol dispela manmeri i no olsem wanem? Long wanem mipela i no

pas long dispela tes o kisim bekim bilong dispela tes yet. Mipela i kos nating na tupela i no kisim bekim bilong dispela tes yet. Mipela i kos nating na tupela i mekim wanem?

Long dispela yia, mi lukim planti manmeri i kisim reperi kos gen. Na ating tupela man ya i mekim wanem?

Dispela wari bilong mi i go ta long Presiden bilong Mosbi Soka Asosiesen, Mista Paul Sowni. Bilong wanem

as tru na yupela i save salim ol soka klap long baim fain bilong asua? Dispela em i no stret-pela rot yupela i kisim i kam.

Long taim Mista Pious Kerepia i kisim dispela wok bipo, em i no save mekim dispela rot. Mipela i les tru long dispela pasin bilong sasim wan wan klap long K50 fain. Dispela fain i bilong ol klap husat i no gat mausman long reperi kos. Em i no gutpela tingting.

Artwiong R Totey
Mosbi. NCD.

Kros nating long hap tok

Dia Edita — Long wiken bilong amamasim Namba 10 Independens Yia bilong PNG, mipela ol man bilong Lae i go pilai soka long Gaomazung viles long Makam eria.

Bihain long pilai bilong mipela ol man, i gat kik bilong ol meri. Mipela planti arapela manmeri i sindaun long saitlain na singaut na amamasim ol pilaia.

Long taim mi lukim wanpela meri i kik strong, mi tok pilai olsem, "Hei, mama, isi ya!". I no longpela taim bihain, ol lain man bilong dispela meri i kros na i laik pait

wantaim mi. Tasol mi tokaut olsem mi no mekim wanpela tok nogut o bagarapim dispela meri.

Mi toktok isi na stretim tok wantaim ol. Tasol ol i strong na i pait wantaim mi. Sampela gutpela wantok bilong ol i holimpasim na traim long stapim pait.

Mi pilim olsem as bilong dispela pait i no gutpela tumas. Mi sem na mi sindaun long graun na daunim het. Na wanpela yangpela man i ron long beksait i kam na hamaim yau bilong mi. Mi kirap nogut. Tasol mi no laik

mekim wanpela samting. Long wanem em i asples bilong ol.

Mi tokim yupela ol dispela lain pipel bilong Makam. Yupela i nogat het bilong yupela. Dispela pilai i kamap long taim bilong amamas. Na i no taim bilong kros na pait.

Mi daunim het na mi no lukim yupela ol dispela lain i paitim mi. Tasol sampela lain wantok bilong mi i lukim yupela.

Robert Cooper,
PTC — Lae,
Morobe Provins

Helpim long klinim taun

haus kaikai na sindaun kaikai i stap. Tasol ol i no save tingting na tromoi ol pipia bilong ol long ol rabis stret. Nogat tru.

Long olgeta hap bilong provins i gat ol notis em ol kaunsil i putim long tok save long ol manmeri long noken tromoi nabaut ol

rabis. Tasol olsem ol manmeri i aipas o ol i les tasol long kirap i go na putim pipia insait long ples bilong tromoi pipia.

Planti ol dispela pipel tu i no amamas long taun bilong ol na traim long larim taun i klin i stap. Yupela i mekim pipia nabaut

olsem bai husat i ken klinim taun bilong yumi.

Yupela i save olsem ol lain bilong taun kaunsil i save wok liklik na go slip i stap long ol gras aninit long diwai.
Suma On
P.O. Box 37
Pesem. Saten Hailans Provins.



The Coffee Market
Sponsored by:

COFFEE INTERNATIONAL

CIL PHONE 721322 P.O.BOX 111
TELEX 72663 GOROKA
FAX 722180 PAPUA NEW GUINEA

Wik stat long: Oct 1, 1985

Pe bilong grin bin kopi long ol stua long Lae na long ol dua bilong faktor.

Dispela mak bilong pe i kam long ol kopi kampani. Ol mak bilong pe i bilong wanwan senta insait long PNG.

Gret	Mak bilong Pe
Y _____	K2.18 inap K2.32
X _____	K2.23 inap K2.35
A _____	K2.28 inap K2.40
ROBUSTA _____	K2.00 - K2.00

Pe bilong ol drai kopi bin long dua bilong faktori:

KAINANTU _____	K1.44 - K1.45
GOROKA _____	K1.50 - K1.54
KUNDIAWA _____	K1.45 - K1.54
MINJ/BENZ _____	K1.50 - K1.54
Maun Hagen _____	K1.49 - K1.52
WAPENAMANDA _____	K1.40
MENDI _____	K1.30
LAE Arabica _____	K1.40 - K1.60
Robusta _____	K1.20 - K1.30
MADANG Arabica _____	K1.40
Robusta _____	K1.20 - K1.40
WEWAK Robusta _____	K0.90 - K0.95

YUSIM NUPELA

SANITARY NAPKINS

Softly



Ol i stap nau 10-pela long wan wan paket.. na long olgeta bikpela stoa.



Ol i malomalo, seif na i no dia tumas. Na em bilong ol meri bilong PNG! **TRAIM OL!!**

MR KANE TASOL INAP LONG WOKIM KOKONAS BISKET OLSEM

OL SAMTING BILONG MIXIM

2 tabolspun majarin
2 tabolspun Ramu Suka
2 tispun beking pawda
2 kap sikirap kokonas
1 kiyau
1½ kap palawa



WEI BILONG WOKIM

Tanim majarin na suka i kamap olsem kirim na putim kiyau wantaim. Putim palawa, beking palawa na susu bilong kokonas i go wantaim na tanim isi tasol.



Mixim gut na putim antap long tabol na katim i go haphap.


Putim bata antap long keik tin na putim ol i go antap long en. Putim ol long aven na isi long en inap olsem 20 minit.



PNG SWEET ENERGY

K500

TO BE WON IN SPOT THE BALL




THIS WEEK!

Look at the picture below. Put a X in the exact place where you think the ball should be using your skill and judgement. Cut out your entry along the dotted lines shown and fill in the special coupon alongside. Send your entry to, Spot the Ball Wantok News P.O. Box 1982 Boroko.

SPOT THE BALL No 11



ENTRIES for Competition No.10 close on 3rd December and all entries received after this date will not be accepted.



ONLY ONE X PER ENTRY. YOU MAY ENTER AS MANY ITEMS AS YOU WISH PROVIDED A SEPERATE COUPON IS USED.

Rules and conditions of entry

1. The first correct entry drawn from the drum will be the winner.
2. Winners names will be published in Wantok newspaper the following week.
3. The judges decision will be final.
4. All entries must include an original entry coupon from Wantok newspaper. Photocopies will not be accepted and entries received after the closing deadline will not be accepted.
5. Employees of Word Publishing Co. Pty Ltd are not eligible to enter.
6. No correspondence shall be entered into.

**You can enter as many times as you want but,
only one coupon per entry!**

Your Name

Your Address:.....

Your Tel No:

The ball lies in square.....

Salamaua bai gat nupela haus sik

MOA LONG 20,000 pipel bilong Salamaua eria klostu long Lae, Morobe Provins bai gat nupela helt senta long neks yia.

Nesenel Gavman bai yusim K230,000 aninit long nesene planing na ekspensid program (NPEP) long kirapim dispela helt senta namel long stat bilong neks yia.

Minista bilong Nesenel Plening na Developmen, Mista Bebes Korowaro i tokaut long plen bilong

dispela projek long taim em i bin opim nupela "haus kibung" long Salamaua Viles long las wik Fraide.

Em i amamas long Morobe Provinsal Gavman na Huon Developmen Atoriti i promis long wok bung na mekim kamap dispela kain projek bilong helpim pipel i stapalongwe long biktaun.

Mista Korowaro wantaim Spika bilong Nesenel Palamen, Mista Timothy Bonga, Minista bilong Leba,

Mista Tony Ila, Morobe Primia Mista Utuja Samana na sampela hetman bilong gavman i bin bung long opim dispela haus kibung long Salamaua.

Dispela haus kibung i stap namel na i gat 8-pela arapela haus slip. Na em i gat gutpela ples bilong kibung na smatpela eria bilong ol manmeri long kisim malolo long wiken o long taim bilong holide. Huon Developmen Atoriti i yusim K150,000 long

wokim kamap dispela haus kibung long Salamaua.

Mista Korowaro i tenkyu long Morobe Gavman na Huon Developmen Atoriti long bihain bikpela astingting bilong Nesenel Gavman na bringim gutpela senis i go long pipel. Dispela haus kibung bai helpim viles pipel long putim maket, holim kibung bilong yut na pipel na kirapim rot bilong painim mani. Bikos planti turis na hetman bilong gavman o kam-

pani bai go long dispela ples namel long planti taim bihain.

Kaunsila bilong Salamaua viles, Sowange Yamang wantaim tupela lida, Yaling Boradu na Malawaku Palimbu bilong Lagui i amamas tru long dispela senis. Ol i tokaut olsem bai planti yut grup long hap i ken kirapim bisnis bilong yusim pašindia hot o kanu i gat moto na karim ol pipel i go i kam namel long Salamaua na Lae siti.

Gavman givim baksait long ToVue komiti

BIKPELA kros bilong Lo na Oda komiti long Is Nu Briten Provins i sut stret long Nesenel Gavman long dispela wik Tunde.

Primia bilong Is Nu Briten, Mista Ronald ToVue husat i go pas long komiti i tokaut long belhevi bilong em long wanpela kibung wantaim palamentri komiti bilong stet ov imejensi long Rabaul long Mande, 21 Oktoba.

Mista ToVue i tok komiti bilong em i bin salim plen bilong stretim hevi bilong ol i go long Nesenel Gavman. Tasol palamentri komiti aninit long Nesenel Gavman i no tok orait o tok klia long plen.

Dispela komiti bilong ToVue i gat memba bilong Plis Fos, Koreksenal Sevis (woda plis), Dipatmen bilong Is Nu Briten, Nesenel Intelijens Oganaisesen na provinsal gavman. Ol i fomim dispela komiti long 4-pela yia bipo.


Daunbilo em i tupela astingting namel long arapela askim ol i putim long plen:-

1. Senisim Vagransi Aslo na givim I.D. kat long ol wokmanmeri. Em bai isi long mekim save long ol bik hetman o trabelman husat i no gat wok na raun nabaut long taun.

2. Senisim Korektiv Institusen Aslo na oraitim haus kalabus long salim ol kalabusman na meri i go bek

Musik bilong wol na PNG

• Adrian Gegera, wanpela man bilong tanim tok long Institut ov Papua New Guinea Stadis i ritim stori bilong ol garamut bilong PNG i stap insait long dispela nupela buk bilong ol musik instramen.



Patrick Matbob i raitim

BRITISH Hai Komisin i givim pinis wanpela buk ol i kolim *The New Grove Dictionary of Musical Instruments* i go long Institute of Papua Niugini Stadis.

Dispela buk i gat tripela kopi olgeta na i gat moa long 2700 (tu tausen seven handet) pes na em i nambawan bikpela buk ol i mekim long ol musik instramen.

Bipo i bin i gat ol buk ol i bin raitim long ol musik instramen tasol dispela ol buk i liklik na i bin stori tasol long ol instamen bilong ol waitman.

Na ol narapela instramen long wol i no bin kamap o i bin gat liklik stori long ol tasol.

Tasol nau long

dispela nupela buk i gat planti stori i stap long ol musik instramen bilong ol narapela kantri na Papua Niugini tu.

Ol PNG musik instramen em nem bilong ol i kamap insait long dispela buk long tok pisin em garamut, kundu na susap.

Ol narapela PNG musik instramen tu i stap wantaim ol narapela instramen bilong wol aninit long ol biknem instramen olsem bullroarers, conch-shell trumpet (taur), na panpipe.

Sampela ol instramen em ol i ken painim tasol long PNG tu i gat biknem nau bilong wanem ol i luk narakain na i gat narakain stail tu bilong pilaim ol dispela instramen.

Nem bilong ol dispela instramen i kamap long tok ples stret olsem launut instramen long hap long Not Nu Ailan.

Na dispela nupela buk i bungim tu ol instramen bilong PNG na bilong ol narapela kantri. Olsem na nau yumi ken lukluk tu long ol instramen bilong PNG na traिम painim ol wankain instramen olsem long ol narapela kantri.

Wanpela eksampel em long kundu. Yumi save ting olsem kundu em i mak tru bilong PNG. Tasol kundu i no stap long olgeta hap bilong PNG.

Na long ol narapela Pasifik kantri i gat ol instramen i wankain olsem kundu i stap.

Olsem long hap

bilong Isten Polinesia i gat instramen olsem kundu i stap na ol i kolim pahu. Tasol long ol narapela hap bilong Melanesia i no gat kundu stret.

Na long hap long Maikronesia tu i gat kain kundu tu i stap.

Olsem na ating dispela kundu bilong Isten Polinesia i bin stat long Papua Niugini na i go long Maikronesia na bihain i kamap long Polinesia. Husat i save?

Long wes sait tu i gat ol instramen olsem kundu i stap. Tasol luk bilong ol na stail ol i wokim long hap long Malei i narakain liklik. Tasol

husat i save, ating dispela Malei kundu i susa bilong PNG kundu?

Narapela bikpela samting dispela buk i kamapim em long soim ol musik instramen bilong PNG i no stap wanpis tru. Nogat.

Sapos yu laik save long musik instramen bilong PNG bai yu mas save tu long ol musik instramen bilong ol narapela hap eria na wanem we ol dispela instramen i wankain.

Dispela bai helpim ol man i mekim wok painimaut long save moa long taim ol i stadim ol instramen.

OL PABLIK SEVAN



Husat i kam long Mosbi long mekim wok bilong gavman.

Kam stap long Papua Hotel long I gat spesel lo kos brekfas, dina na ol senwis long belo.

NA

- Fri long go long olgeta disko na bar
- 24 aua rum sevis
- TV long olgeta rum (long Oktoba)

Olgeta dispela na pe bilong rum i daunbilo tru long taun.

Yu sevim mani bilong gavman tasol yu kisim top sevis stret na malolo gut bihain long

PAPUAN HOTEL.

Port Moresby

Tel 212622 for Bookings



PEANUT
Feiva flavour!



GET INTO THE



PEANUT
Feiva flavour!



**Peanuts!
Peanuts!
Peanuts!**

Arrow


Arrow Baking Co.
Waigani Drive, Hohola
P O Box 164, Port Moresby
Phone: 25 5266 Telex: NE 22276

PEANUT
Feiva flavour!

Bai i ken helpim yu tru

Maski yu pilai o wok, ol meri bilong
tude i ken i stap isi na nogat heve.

Johnson & Johnson i gat ol
gutpela samting. Em yu ken putim,
o yusim olgeta de na nogat wari long em.



Johnson & Johnson

HRD 6321

Moa long 300 yangpela amamasim IYY long Aitape

MOA long 300 yangpela man meri bai kamap long wanpela bung bilong ol Yut long Aitape long amamasim Intenesenel Yut Yia. Dispela bikpela bung bai kamap long 18 Novemba i go inap long 22 Novemba.

Ol kain samting olsem pilai basketbal, volibal, soka na planti narapela pilai bai kamap. Ol samting bilong skin i meknais bai i gat ol string ben, kwaia singsing, singsing bilong tumbuna, drama, resis bilong husat meri i luk nais tru na wanpela resis bilong ol kain askim long testim save bilong wanwan long ol toktok bilong lotu, ol i kolim Bible Kuis tu bai kamap.

Komiti bilong IYY

long Wes Sepik i tingting long kamapim K3,850 long ranim dispela de bilong amamas long Aitape.

Dispela komiti i bin askim pinis K500 olsem bai ol i mas kamapim K3,000. Nesenel Komiti bilong IYY i bin givim pinis K850.

I gat tingting tu olsem wan wan Yut Grup husat bai kamap na stap insait long dispela amamas, i mas givim K50 i go long komiti.

Komiti i bin askim pinis ol bikman long kamap na stap insait long amamasim dispela de bilong IYY.

Sampela long ol dispela bikman em memba bilong Aitape Sentral, na namba tu Primia, Mista Adam Amod, Mista Augus-

tine Makain bilong Nesenel Yut Opis husat bai i makim seketeri bilong Yut na developmen, Mista Leo Saulep seketeri bilong Dipatment bilong Sandaun, Minista bilong Komyuniti Sevises, Mista John Lekina Provinsal Komyuniti Developmen Opisa, Misis V. Jigede.

Komiti i bin askim Primia Paul Langro long kamap na opim

dispela selebresen bilong IYY.

Ol i bin askim tu ol lain olsem Raun Isi Tieta bilong Wewak, ol skol pikinini bilong St. Ignastius na Aitape haikul wantaim ol manmeri long Aitape yet long kamap na stap insait long bipela de bilong ol yut.

DPI long Aitape tu bai i kamap long putim wanpela so bilong ol kain kaikai long makim World Food Day.

Ol boda pipel i laik gavman i tok sori

Ko-odineta bilong Malenesia Alaiens pati long Sandaun Mista John Tiake i no amamas long ol toktok i kam long Namba Tu Praim Minista Pater John Momis na ekting Foren Afeas Minista, Mista Bonny Bais.

Mista Tiake i tok, sapos tupela lida i no save long dispela samting i kamap long 12-pela refuji, ating samting i rong long opis bilong gavman.

Em i tok dispela em namba wan opis we

olgeta kain intenesenel toktok olsem i no inap long popaia long kamap long kain man olsem Pater Momis.


Mista Tiake i tok, sapos i o gat ripoti stap long opis bilong Praim Minista, i toktok long rausim ol 12-pela refuji, ating i luk olsem Pater Momis wantaim Mista Somare i no save wok bung wantaim.

Em i tok, "Mi save tu olsem dispela toktok tupela lida i mekim i no tru. Tupela i mas gat

save long dispela ripoti bipo long dispela samting i kamap." Em i tok tupela lida, Pater Momis na Mista Bais i tok sori i go long ol pipel bilong dispela kantri, na olpipeli stap long hap bilong boda lain.

Em i tok nau ol gavman opisa na ol pipel long boda, i pret tru nau long wanem. ol OPM i tok pinis, ol bai kamapim bikpela trabel long boda sapos PNG gavman i salim ol refuji i go long ples bilong ol, sapos ol yet i no laik go bek.

Welpam wokman winim K10,000



•Alphonse Ainuri i soim sek bilong K10,000 em i bin winim.

I GAT narapela wina bilong K10,000 long laki tiket. Alphonse Ainuri husat i wanpela welpam setla long Kavui, Wes Nu Briten Provins i laki long winim dispela mani long las wik.

Alphonse i baim tupela laki tike long Kimbe Famasi stua. Namba wan tiket i abrus na narapela tiket i mekim em i singaut na kalap wantaim bikpela amamas. Em i amamas tru long winim mani na i no klia tumas long rot bilong yusim dispela bikpela mani long en.

Em i tokim Wantok ripota long Kimbe olsem em bai putim dispela K10,000 i go long pasbuk akaun. Na bihain em i tingim ol gutpela rot long yusim mani long en. Em i marit na i gat wanpela pikinini. Olsem na em i tingting long yusim hap mani long lukautim dispela pikinini.



Peoples Progress Party

CONGRESS '85

**Come and listen...
come and contribute
your ideas for a**

**“STRONG, STABLE
GOVERNMENT AND A
JUST SOCIETY”**

OCT 24th - 27th

8.am Commencement

NIAL COMMUNITY HALL, LAE

ALU SIGNS PTY LTD

PO Box 7081, BOROKO TEL 25 4600
NEAR BOROKO POLICE STN

SPORTS TROPHIES for Sale




Engraving Service

available Orders welcome

TOYOTA HILUX

I strong na smat moa



Long olgeta hap bilong Papua Niugini, Toyota Hilux i soim olsem em i wanpela strongpela na smatpela ka. I gat kain kain — ol 2WD, 4WD, singel keb, ekstra keb na dabol keb na ol i gat petrol o disel ensin. Kam na lukim mipela na test draivim wanpela Toyota Hilux nau.

ELA MOTORS TOYOTA

WHEELS FOR THE NATION

PORT MORESBY 21 7036 ● LAE 42 2322 ● RABAU 92 1988 ● MADANG 82 2188 ● GOROKA 72 1844 ● MT. HAGEN 52 1888 ●
WEWAK 86 2255 ● POPONDETTA 29 7240 ● KAVIENG 94 2132 ● KIETA 95 6083 ● KIMBE 93 5155 ● TABUBIL 58 9060

A MEMBER OF THE BURNS PHILP GROUP



Going Places

High School at home - COES helps
you with your studies



COLLEGE of EXTERNAL STUDIES

COLLEGE of EXTERNAL STUDIES

NUMBER 166

Our neighbours NAURU

Geography

Nauru is about 1600km north-east of Papua New Guinea.

Nauru is a coral island, 23.4 sq km in area, with a fresh water lake.

Coconuts, bananas and pandanus grow at the coastal edge. This coastal strip is the only fertile area. It is between 150m and 300m wide. The centre of the island is made of phosphate. Phosphate is a mineral. It contains chemicals which help plants grow.

Population

The Nauruans are Micronesians. They belong to 12 clans. The South Equatorial Current made visits to Nauru difficult. The Nauruans developed their culture without much contact with other peoples. There are about 500 Nauruans on the island and another 2500 in Australia and elsewhere. About 3000 foreign workers are in Nauru employed in the phosphate industry.

Climate

Nauru's average rainfall is 2032 mm but sometimes there are droughts. The climate is tropical with day temperatures around 30°C but cool breezes blow in from the sea.

History

European traders brought guns to Nauru in the 19th century. Many Nauruans died in civil wars between 1879 and 1888. Germany colonised Nauru in October 1888. A German gunboat forced the Nauruans to hand over all their weapons. In 1900 Europeans discovered that most of Nauru was covered in huge amounts of calcium phosphate. This had been made through thousands of years of bird droppings. Calcium phosphate is used to make superphosphate fertiliser. Since 1900 Nauru has exported millions of tons of phosphate to develop agriculture in Australia, New Zealand, Japan and South Korea.

In 1919 Australia took over Nauru. In the Second World War the Japanese captured Nauru. The Japanese moved the islanders to Truk in the Caroline Islands. A third of Nauru's population died there. In 1945 the United Nations allowed Australia to administer Nauru. Nauru became independent in 1968. It is the world's smallest republic.

Constitution

Nauru has an 18 member Parliament. All Nauruans older than 20 must vote. The President of the Republic is elected by the Members of Parliament. He forms the Cabinet with 5 or 6 other M.P.s. The President of Nauru is Sir Hammer DeRoburt. The last general election was in December 1983.

Economy

Nauru took over control of the phosphate mines after 1968. The mines have made Nauru a very rich country.

The Government receives half the profit made by the phosphate exports. Nauruans who own phosphate bearing land are paid royalties (share of the profits) and several have become millionaires. The Government is looking for ways to invest its money for the future when the phosphate is finished. It already owns commercial buildings in other countries and several merchant ships and an airline. People think the phosphate mines will finish in about 1995. The mining will leave a large area full of tall limestone rocks.

Religion

About 43% of Nauruans belong to the Nauruan Protestant Church. There are also some Roman Catholics.

Education



Education is free. All children must stay at school from 4 to 16 years of age. There are three primary schools with 1,500 children, two secondary schools with 600 children, and about 130 teachers.

Transport

There is a 5.2km railway running to the mines. There are about 2000 motor vehicles on the island. The Nauru government owns five merchant ships. Air Nauru has three Boeing 727 jets and two 737 jets.

The Media

There are about 5000 radios in Nauru. The government broadcasts programmes in English and Nauruan. A newspaper is produced every two weeks.



Drain kopra long s

OL PIPEL insait long Is Nu Briten husat i gat ol liklik bisnis kopra i gat pinis wanpela nupela we em ol i ken mekim drai ol kopra bilong ol.

Dispela nupela we em long mekim paia wantaim sakol na yusim hat bilong em long drain kopra.

Disepela em i wanpela isi we na i no kos tumas long kamapim gutpela kwaliti kopra.

Divisen bilong Praimeri Industri na wanpela grup ol i kolim Hanns Seidel Foundesen bilong Jemani i bin pinisim pinis sampela woksap na semina long Is

Nu Briten long painim we bilong ranim ol bisnis long helpim ol komyuniti lida na ol liklik bisnis grup.

Na dispela we bilong drain ol kopra wantaim paia bilong sakol em i wanpela nupela we ol i bin painim.

Ol lain husat i bin

kamap long dispela woksap i bin lainim dispela nupela we bilong wokim dispela sakol kopra draia.

Dispela draia em i isi long wokim, isi long yusim na i no kos bikpela mani.

Ol i bin lainim long wokim dispela kopra draia long timba, nil, flat ain na waia.

Em i isi tu long muvim dispela kopra draia i go long nupela haples klostu long ol kokonas na kakao plentesin. Pe bilong wokim wanpela draia em inap long K350 tasol.

Dispela sakol kopra draia i mas i gat 6 o 8 stov bilong kukim ol sakol na plenti sakol bilong wokim paia. Ol i ken kisim ol sakol long ol sel kokonas o ol paiawut em ol i wasim ol long marasin pinis.

Dispela draia tu ol i ken yusim olsem hot ea draia sapos ol i no yusim sakol long drain kopra.

Dispela draia i ken kamapim samting olsem 2 o 3 tan kopra long wan-

pela mun na i ken mekim 5 o 6-pela bek kopra long wanpela wik.

Ol i bin traim dispela nupela draia long Not Solomon provins pinis na i bin wok gut tru tasol i no gat planti pipel i bin yusim.

Tasol ol lain DPI Hanns Seidel Foundation i tingting olsem ol pipel long Is Nu Briten bai laik long taim dispela nupela draia. Planti ol askim i bin kamap pinis long DPI opis na Hanns Seidel foundesen long ol plen long wokim dispela draia.

Hanns Seidel Foundesen i bin givim pinis wanpela nambawan draia i go long Parisaio Yut Grup bilong Malakuna viles klostu klong Vanamami.

Dispela draia em wanpela grup husat i bin kamap long wanpela Hanns Seidel Foundesen woksap long Kurakakaul i bin wokim.

Dispela nupela sakol draia em Mista Karl Weber husat i makim



Mister Weber, Lephau tru, kisim dispela grup foto. Bih bilong Malakuna Viles.

Hanns Seidel foundesen i em i r bin givim long dispela kama grup long Oktoba 11. Na Briten



Mausman i makim Hanns Seidel Faundesen, Mista Karl Weber i lukluk long 44 galen dram em ol yut bilong Parisaio long Malakuna Viles long Is Nu Briten i bin wokim.



Mista Weber i redi nau long sainim agrimen wantaim Parisaio Yut Grup. Em i makim Hanns Seidel Faundesen Man husat i lukluk em Mista Tobaining, Presiden bilong Yut grup.



Mista Tobaining nau em yet i sainim tu dispela a, Faundesen. Mista Weber i lukluk long en.

Wanem samtin i fet, juisi, tes gut na malomalo?

akol paia



anap wantaim ol lida na yangpela bilong Parisaio Yut grup long n i gat singsing na liklik kaikai long makim amamas bilong ol yut

im ol nupela we i nau long Is Nu long drain kopra. Is Nu Briten em i wangepela provins insait long Ailan rijin long

saplain kopra i go long ol ovasis kantri.

Mista Weber i tok dispela nupela sakol draia i nambawan kain draia long Is Nu Briten.

Em i tok sapos ol lain yut i yusim gut em bai kamap olsem gutpela eksampel long ol narapela lain.

Long Novemba 23 bai ol pipel bilong ples Mioko Palpal i kisim namba tu draia.

Hanns Seidel Foun- desen i bin wokim tu sampela pam wara insait long Nu Ailan provins bihain yet ol divelopmen projek bilong ol.

Dispela faundesen i bin wokim moa long 22 pam wara insait long 22 komyuniti gavman eria long Namatanai na i tingting long wokim narapela 168 moa insait long narapela 24 mun.

Sapos ol dispela pam wara i pinis bai i helpim moa long 20,000 pipel husat i gat bikpela wari long painim wara.

men long wok wantaim Hanns Seidel

Gavman i mas helpim ol fama long groim kaikai

MEMBA bilong Tambul Nebilyer Thomas Negints i tok amamas long nesenel gavman long stopim ol narapela kantri long salim ol kain kaikai olsem kapis na poteto i kam insait long Papua Niugini.

Em i tok dispela tingting bilong gavman i gutpela na i kamap stret long rait taim.

Tasol Mista Negints i tok strong long Minista bilong Praimeri Industri

Mista Namaliu long kirapim kwik ol rot bilong salim na baim ol kaikai insait long kantri.

Em i tok gavman i mas kirapim wangepela komiti bilong stiaim wok bilong kirapim maket bilong salim ol dispela kaikai.

Wok bilong dispela komiti em long helpim Minista long kirapim ol maket insait long olgeta provins we ol i groim ol kaikai.

Na gavman tu i mas

givim mani long helpim ol pipel long ol rural eria long kirapim ol bikpela fam ir ap long saplain ol dispela maket.

Komiti tu i mas helpim ol DPI opisa long wok bilong gro- wim, trenspotim na maketim ol dispela kaikai.

Komiti i mas painim rot tu bilong katim pe bilong trenspot long karim ol kaikai i go long ol ples we ol bai salim ol.

NATIONAL WATER SUPPLY AND SEWERAGE BOARD

Dispela tok save i go long ol pipel i stap long:

- Lae Water Distrik
- Wewak Water Distrik
- Hagen Water Distrik
- Madang Water Distrik

Ol pipel i mas save olsem i gat tupela kain takis bilong wara saplai:-

1. takis bilong wan wan mun na
2. takis bilong wan yia

1. Long wan wan mun ol pipel i save kisim bil bilong hamas wara ol i yusim. Na long dispela bil i gat toksave long hamas mani papa bilong haus i mas baim bihain long ol wokman bilong kaunsil i raitim wara mita long haus. Papa bilong haus i mas baim bil bilong wara long taim em i kisim bil ya.

2. Na tok save bilong wara takis bilong wan yia i save go aut long ol papa bilong hap graun i stap 25 mita klostu long wangepela bikpela wara paip. Na papa bilong graun i mas baim dispela takis insait long 30 de tasol. Maski long westim o yusim planti wara tumas. Na mobeta ol papa bilong haus i baim wara bil bilong ol hariap. Sapos nogat, bai ol i katim wara saplai bilong haus inap long taim papa bilong haus i go kamap na baim bil bilong em.

Ol tep i save lik, na ol tep em man i no pasim gut, bai i mekim wara bil bilong yu i surik i go antap moa. Olsem na sapos yu no baim bikpela mani tumas long wara bil bilong yu, orait em i wok bilong yu long stretim ol dispela liklik samting. Na tingim — sapos yu no baim bil bai yu no gat wara.

Yu ken go kamap long ol dispela opis na baim wara bil bilong yu. Na sapos yu laik orait salim tasol mani i go long ol adres i stap daunbilo.


TOWN NA TELEPON SAMBA	PLES BILONG BAIM BIL	ADRES BILONG OPIS
LAE 42 4115	Elcom Office Coronation Drive Lae.	Lae Water District, P.O. Box 2966, Lae.
WEWAK 86 2133	Waterboard Office Department of Works Boram Road, Wewak	Wewak Water District, P.O. Box 487 Wewak.
HAGEN 52 1244	Waterboard Office, Rabiamul Place, Mt Hagen.	Mt Hagen Water District, P.O. Box 1196, Mt Hagen.
MADANG 82 3093	Madang Town Council Council Offices, Yahob Road, Madang.	Madang Town Council, P.O. Box 2107, Yomba, Madang.

Sapos husat kastama i no kisim yet wangepela wara saplai bil, o sapos em i gat askim, orait tok save long Distrik Menesa.

J. BAURE — Siaman.

COUNTRY CHOICE


EM KAKARUK TASOL.





Pyramids and numbers (2)

Last week, you saw how Tai arranged oranges in the shape of square pyramids like this.




$$1 + 4 + 9 + 16$$

I need not count one by one — I can work out the number in a group...using number patterns.



Here is an arrangement in triangular pyramid shapes.



Number of oranges in Group 1 is 1
Number of oranges in Group 2 is 1 + 3
Number of oranges in Group 3 is 1 + 3 + 6
Number of oranges in Group 4 is 1 + 3 + 6 + 10

What will be the number of oranges in Group 5, the next group that would come in order?

$$1 + 3 + 6 + 10 + ?$$

Look for a pattern in numbers

$$\begin{aligned} 1 &= 1 \\ 1 + 2 &= 3 \\ 1 + 2 + 3 &= 6 \\ 1 + 2 + 3 + 4 &= 10 \\ ? &= ? \\ \text{Total} &= 35! \end{aligned}$$

$$1 + 2 + 3 + 4 + 5 \dots 15$$

LOOK FOR PATTERNS



Can you work out the number of oranges in the sixth arrangement?

Ilektoral Komisina na Siaman bilong Ilektoral Baundris Komisin, H.T. Veratau i laik tok save long ol pablik olsem tim bilong Ilektoral Baundri Komisina bai lukluk raun long ol provins long 22 Oktoba i go inap long 16 Novemba, 1985.

Bai i gat 4-pela Baundris tim na ol dispela memba bai i go pas long ol tim:-

Tim 1 — H.T.Veratau	— Ailans Rijon.
Tim 2 — P.Salaiau	— Ailans Rijon.
Tim 3 — R.Kaiulo	— Ailans Rijon.
Tim 4 — J.Shadlow	— Saten Rijon.

Ol pablik i mas save olsem ol dispela tim bai raun long ol provins long ol dispela taim. Bai i gat moa tok save long ol taim na ples dispela tim i raun long en i kamap long ol redio stesin bilong yupela.

OL PROVINS NA TAIM EM BAI OL TIM I RAUN LONG OL.

Tim 1:

a) Not Solomons Provins	— 23/10 — 31/10/85
b) Wes Nu Briten Provins	— 31/10 — 02/11/85
c) Is Nu Briten Provins	— 02/11 — 8/11/85
d) Nu Ailan Provins	— 08/11 — 14/11/85

Tim 2:

a) Saten Hailans Provins	— 22/10 — 26/10/85
b) Enga Provins	— 28/10 — 31/10/85
c) Westen Hailans Provins	— 04/11 — 11/11/85
d) Simbu Provins	— 11/11 — 15/11/85
e) Isten Hailans Provins	— 15/11 — 21/11/85

Tim 3:

a) Wes Sepik Provins	— 23/10 — 26/10/85
b) Is Sepik Provins	— 26/10 — 01/11/85
c) Madang Provins	— 01/11 — 07/11/85
d) Morobe Provins	— 07/11 — 14/11/85

Tim 4:

a) Westen Provins	— 22/10 — 26/10/85
b) Galp Provins	— 26/10 — 28/10/85
c) Central Provins	— 29/10 — 31/10/85
d) Milen Be Provins	— 04/10 — 08/10/85
e) Noten Provins	— 11/11 — 14/11/85
f) Nesenel Kapital	— 15/11 — 16/11/85

Ol pablik i welkam long kamap long ol dispela kibung na autim tinting bilong ol long wanem kain senis ol i laik lukim.

H.T. VERATAU.
ILEKTORAI KOMISINA.



**SOMETHING NEW—
SAMTING TRU!**



**Morobeen
BISCUITS**



**NEW TO
PNG**

**NUPELA
BISKET!**

4 **LARGE DELICIOUS
"CHICKEN" FLAVOURED
CRACKERS!**
70 x 100g. PACKET PER CARTON

5 **LARGE CRISP
"SWEET" CRACKERS!**
70 x 125g. packets
per carton

Ol asples mas soim

gutpela pasin

Dia Edita — Mi amamas tru long lukim olsem insait long Sepik, mipela i gat sampela gutpela nesanel institut olsem Kaindi Tisa Koles, Passam Nesanel Haiskul, na Sepik Egrikalsa Koles.

Mi yet i bilong Sepik na mi amamas long gavman i bin laikim na i putim ol dispela koles insait long Is Sepik Provins. Ol dispela kain bikpela skul i ken helpim husat manmeri

insait long Sepik i kisim moa save long wanem kain wok ol i laik mekim long bihaintaim.

Mi putim toktok na wari bilong mi i go long ol yangpela manki nau husat i save hambak na bagarapim ol samting insait long ol dispela institusen.

Mi no save amamas long pasin i save kamap long Sepik Egrikalsa koles. Mi save sori tru long ol skul samting bilong dispela koles.

Mi laik putim strongpela toktok long yumi ol Sepik. Yumi mas save na praut long provins bilong yumi i gat ol dispela kain koles

long en. Watpo na yumi mekim dispela kain rabis pasin long ol narapela lain husat i kam skul long provins. Ol i kam long helpim yumi long developim provins bilong yumi.

Mobeta yumi ol Sepik yet i soim gutpela pasin long husat ol arapela lain i kam long helpim yumi.

Samson Wappy, Katkwo Komyuniti Skul, Maprik.

Raupela haus i no haus kuk

Dia Edita — Bel hevi bilong mi i go olsem. Long dispela tingting bilong Praim Minista, Michael Somare na ol memba long wokim dispela haus Palamen.

Mi save okem fran tru bilong dispela Palamen haus i luk olsem Haus Tambaran bilong Is Sepik Provins.

Na i gat narapela raun haus i skruim dispela Palamen we i gat haus kuk na ples

kaikai i stap long en. Dispela raun haus ol i tok i makim ol 5-pela Hailans Provins.

Mi ting dispela i daunim tru ol Hailans Provins ya. Bikos mipela i no save yusim kain haus olsem long kukim na kaikai insait long en. Mipela i save yusim kain haus na olsem haus bilong ol man.

Man i gat planti kago na planti meri i save lusim dispela kain

bikpela raun haus long ol famili bilong em. Tasol Mista Somare wantaim yupela ol memba bilong ol 5-pela hailans provins, yupela i wokim haus kuk long dispela kain raun haus bilong mipela ol Hailans long wanem?

Mipela i no longlong pipel i votim yupela ol Hailans memba long daunim nem bilong mipela.

Dum Wanka Nebilyer. Tambul/WHP.

PNG i mas toktok strong nau

Dia Edita — Inap yu larim wanpela spes long mi na bai PNG gavman i ken lukim na traim mekim sampela samting long ol wan-kin bilong yumi ol Wes Irian refuji?

Olsem wanem? Bai PNG gavman tasol i givim ol kaikai na laplap o bilas long ol refuji long Vanimo i go na olsem wanem nau.

I gat sampela arapela rot gavman i yusim long traim long helpim ol dispela refuji o nogat?

Long yia i go pinis (1984) long taim ol refuji i wok long kapsait i kam insait long PNG, mi wok long harim nius bilong ol i wok long kamap klostu klostu long ol niuspepa na radio.

Nau mi no save harim nius bilong ol dispela ranawe man

tumas.

I gutpela PNG gavman i lukautim ol long kaikai, bilas na haus. Tasol gavman i mas lukluk long bikpela wari bilong ol long kisim independens.

Plantu taim mi save harim ol bikman bilong gavman i save go long Yunaitet Nesens long Amerika na mi ting ol i go long toktok bilong ol refuji long Wes Irian tasol nogat tru. Na nau klostu krismas na nupela yia bai i kamap na bai wanem taim bai ol tarangu i kisim amamas liklik.

Em i taim nau long PNG i toktok wantaim Yunaitet Nesens na bai ol i mas kisim independens.

Ating gavman i gat

tingting bilong senisim nem bilong kantri tasol na i no moa tingting tumas long ol nau. Gavman i tingting tasol long salim ol opisa bilong em i go raun na lukluk tasol long ol ovasis kantri na amamasim ol yet. Na ol i no bringim wanpela gutpela toktok i kam long helpim ol wanskin bilong yumi ol Wes Irian pipel.

Mi ting PNG i no kirsten kantri tru. Baibel tu i tok olsem yu mas laikim brata bilong yu olsem yu laikim yu yet.

Wes Irian i no narapela kantri olsem solwara i katim namel long ol na PNG. Yumi i bilong wanpela hap graun tasol na ol i

olsem ol brata tru bilong yumi.

Gavman i mas tingting long dispela rot tu. Nogut las Wol War i kamap na dispela amamas bilong yumi i lus na yu lusim opis na ranawe olsem wanpela sikau i go insait long bus na hait.

Petrus Manihia, Bialla Oil Palm, Bialla, WNBP.

Pinisim ol kontrak wok long plantesis

Dia Edita — Mi bilong Nuku long Wes Sepik Provins na nau mi stap long Not Solomons Provins. Dispela toktok bilong mi i go long ol bikman long ol provins bilong yumi insait long kantri.

Mi laikim ol dispela bikman i mas toktok strong na bai gavman i pinisim dispela pasin bilong kisim ol kontrak leba i go wok long ol plantesis insait long PNG.

Mi mekim dispela hap tok bikos i gat sampela yangpela man husat i pinisim skul long haiskul o gret sikis na ol i giaman na sainap long go wok long ol plantesis. Tasol long taim i go kamap long plantesis, ol i save giaman long wok liklik taim tasol na bihain ol i save ranawe i go painim wok long taun.

Plantu bilong ol i no save painim wok na bai ol i raun raun nating i stap long taun. Em nau na ol kain pasin bilong stil na bagarapim ol meri na ol kain pasin nogut olsem i save kamap.

Em tasol wari bilong mi olsem na mi laik gavman i mas lukluk gut long dispela na pinisim olgeta pasin bilong kisim ol kontrak leba long wok long ol plantesis.

Michael Yaki, DPI, Wes Sepik.

Was gut long ol maket

Dia Edita — Dispela toktok bilong mi i sut stret i go long siti kaunsil long Mosbi.

Long ai bilong mi, mi lukim olsem dispela tupela maket insait long Mosbi i no stret. Ol dispela maket em long 4 mail na Is Boroko na Koki.

Dispela Koki maket i no bilong yumi Papua tasol, nogat. Em i bilong olgeta manmeri bilong dispela kantri.

I luk olsem ol dispela tupela maket i no gat rispek bilong ol na tu ol siti kaunsil i no gat ai bilong ol long lukluk long maket.

Mi laik tokim yupela ol kaunsil long Mosbi maket olsem Rabaul maket em i top maket. Em i klin na ol komiti i save stap i go inap 4 klok, orait long taim maket i save pinis em nau ol man i save kam na klinim taun.

Long Rabaul ol manmeri long maket i save harim tok bilong komiti na olsem na maket i save klin long olgeta taim.

Peter Keno, Wes Sepik.

Save pastaim orait tambuim kaikai

Dia Edita — Mi bin harim wanpela stori o nius bilong wanpela Wes Irian man nem bilong em Moses Dyit mau i dai bihain long em i bin tambu long kaikai.

Sori tru long dispela kain tingting i kamap. Gutpela na ol arapela man i go givim toktok long em, tasol em i no harim.

Em i yet inap long lusim dispela tingting tasol em i holim dispela tingting bilong em i strong tumas na tambuim kaikai.

Yumi kristen manmeri i harim pinis long indai bilong dispela man Wes Irian husat i stap long Blakwara kem insait long Wes Sepik.

Dispela hap toktok em i go long husat man i laik tambuim kaikai. Mobeta yu mas stadim gutnius baibel pastaim orait bihain yu tambuim kaikai na prea olgeta taim.

Bikpela bilong yumi Jisas Krai i soim klia we bilong tambuim kaikai. Ritim Matyu 6:16-18. Dispela toks ave Jisas i bin tokaut long we bilong tambuim kaikai long yumi pinis. Tasol, sapos man i no ritim dispela o ritim tasol i no harim klia na em i traim tambuim kaikai long laik bilong em yet, bai em inap long lusim laip bilong em nating.

Na husat man i laik wokim olsem bai i no gat man i luksave long em. Maski meri bilong em o pikinini o brata o sista na papa nogat tru.

Em wanpela tasol i mas wasim pes o waswas na komim gras bilong em.

Man meri i no luksave long God papa i stap antap long heven. Em wanpela tasol i ken save.

J. Toa Bainyk viles Is Sepik.

Givim trening i go long ol skul liva

Dia Edita — Mi wanpela manki Sepik wara tasol nau mi stap long boda taun long Vanimo. Mi laik putim liklik wari bilong mi.

Gavman tu i mas tingting nau long dispela taim i gat planti skul liva.

Ol ami o ol soldia bilong dispela kantri i no planti tumas. Tingting bilong mi go olsem gavman i mas lukluk na tok orait long ol skul liva long joinim PNGDF long pat taim tasol olsem 6 mun o 3 mun samting. Bai ol i ken lainim ol loh ol kain wok bilong ami na tu soim ol nau long pait na yusim gan. Na bihain salim ol i go bek long ples.

Sapos bihain long

Em tasol liklik wari bilong mi yu husat i laik sapotim mi rait tasol i go long Wantok Niuspepa.

Bernard Anskar, PNG Elcom Vanimo.



SALIM PAS LONG

WANTOK BOX 1982 BOROKO

WANT TO MAKE YOUR FOOD REALLY TASTY?



Neks taim yu kukim rais, putim sampela Big Sister Curry Powder. I gat ol kain kain samting long en long mekim kaikai i swit moa yet.

WOKIM KAIKAI BILONG YU SWIT MOA
ANOTHER RECKITT & COLMAN QUALITY PRODUCT

ISUZU POWER




The Isuzu KB21 utility has a low price but its petrol engine still gives plenty of that Isuzu Power.

Around town or out on the highway the Isuzu KB21 will carry your load with ease.

Come and talk to us today and see the Isuzu KB21 for yourself.

LOW PRICE ISUZU BUDGET UTE



**NEW GUINEA
MOTORS**

ISUZU

HRD 6320

PORT MORESBY Don Cook Ph. 25 3644	LAE Norm Keay Ph. 42 3477	KIETA Doug Shortland Ph. 95 6144	RABAUL Fred Powell Ph. 92 1022	GOROKA Bob Balenzuela Ph. 72 1644	MT. HAGEN Bob Hall Ph. 52 1152	KIMBE Mark Seabrook Ph. 93 5191	and TABUBIL Ph. 58 9048
--	--	---	---	--	---	--	-----------------------------------

**COME ALIVE, COME AND DRIVE
WITH THE GOOD GUYS**

NISSAN C20 12 Seater Bus



Nau bai i isi tru long karim ol pasindia. Em i luk liklik tasol dispela smatpela C20 bas i gat planti spes insai, long en. Em inap long karim 12-pela pipel olgeta.

Dispela C20 bas i gat olgeta samting bilong olgeta manmeri, bikpela spes mekim wok bilong bikpela transpot na i smat moa. Ensin spes i mekim bas inap long wok gut tru. Sapos yu laik karim ol pipel o kago C20 sambai tasol i stap.

Baim long:

"The good Guys"



BOROKO MOTORS	25 5255	Port Moresby
BOROKO MOTORS	42 1145	Lae
BOROKO MOTORS	92 2777	Rabaul
BOROKO MOTORS	82 2433	Madang
BOROKO MOTORS	52 1433	Mt Hagen
ARAWA MOTORS PTY LTD	95 1566	Arawa
HIGATURU MOTORS PTY LTD	29 7175	Popondetta
PROVINCIAL AGENCIES PTY LTD	94 2131	Kavieng
TORO MOTORS PTY LTD	57 4059	Wapenamanda
MILNE BAY ENTERPRISES PTY LTD	61 1167	Alotau



Mak bilong PNG kopi i popaia

NUPELA hetmak bilong larim Papua Niugini i salimaut kopi long en insait long kopi sisen namel long dispela yia i go inap long neks yia i popaia tru.

Dispela nupela hetmak o kopi kwota i aninit tru long skel bilong kopi em Papua Niugini i ken mekim kamap na salim long ovasis.

Dispela nupela hetmak bilong kopi sisen i stat long Oktoba (1985) i go inap Septemba neks yia em i 633,154 bek. PNG i mas salimaut dispela namba bilong kopi bek namel long dispela sisen ol i makim long en. I gat namba 44 kibung bilong Intanesenel Kopi Oganaisesen (ICO) i kamap long London, Ingran, na oraitim dispela skel bilong PNG long mun bipo.

Mista Brian Stevenson bilong Kundu Kopi Ekspot kampani long Lae i no amamas long dispela mak. Long wanem em i tok, dispela nupela mak i no stret long skel bilong kopi em ol kopi kampani bilong PNG i ken salimaut i go long ovasis. PNG i ken mekim kamap skel bilong kopi i bikpela moa i winim dispela mak bilong ICO. Na PNG i ken abrusim mak bilong ol arapela kantri husat i salimaut kopi aninit long tok orait bilong ICO.

Mista Stevenson i tok olsem bai PNG i mas bikpela hap bilong kopi i lep-ova long en i go long ol kantri husat i no stap aninit long ICO. Dispela i min olsem bai ol dispela kantri i baim dispela hap kopi bilong PNG long hap prais tasol. Na PNG bai pulim liklik profitmani aninit tru long skel bilong olgeta kopi em i salim i go long ovasis. Long wanem ol kantri aninit long ICO i save baim kopi long bikpela mani moa i winim ol kantri

husat i stap ausait long ICO. Dispela kain bisnis i no gut.

Long kopi sisen bilong las yia, PNG i kism mak bilong salim 636,851 kopi bek.

Mista Stevenson i tokaut olsem skel bilong kopi PNG i mekim kamap namel long dispela sisen bilong las yia, em 780,000 bek. Long 1983/84 sisen PNG i mekim kamap samting olsem 953,000 kopi bek. Na mak bilong kopi bek ICO i tok orait long en em 603,000 bek. Dispela i

soim olsem PNG i salim moa long 30 persen mak bilong kopi i go long ol kantri ausait long ICO.

Em i tokaut olsem PNG wantaim Kenya (long Afrika) na planti arapela kantri i toktok strong long apim kopi kwota bilong ol. Tasol toktok bilong ol i popaia nating. Long wanem Brazil na Kolumbia long Saut Amerika i save salimaut moa long 75 pesen bilong kopi insait long dispela wol. Na ol i pusim planti arapela kantri long pait

strong bilong apim wan wan kopi kwota bilong en.

Insait long dispela namba 44 kibung bilong ICO long London, ol i kibung long makim ol kwota na mak bilong prais long ol kopi. I nogat planti vot i sapotim PNG long putim wanpela mausman bilong en i go insait long eksekutiv bot bilong ICQ. Olsem na PNG i joinim strongpela grup bilong ol kantri long Saut Amerika husat i save salimaut planti kopi bilong wol. Peru i go

pas long dispela grup.

I gat bikpela toktok bilong salim na baim kopi long mak bilong 75 toea i go inap 95 toea long 374 gram kopi (U.S.\$1.20 inap \$1.40 long wan paun kopi).

Tasol toktok bilong stretim dispela prais i no stret. Na ol i lusim dispela toktok i stap.

Dispela nupela kopi kwota bilong PNG em i 1.5 pesen insait long wol mak bilong 58 milion kopi bek namel long sisen bilong dispela yia na neks yia.

ALU SIGNS

PO BOX 7081 BOROKO TEL 25 4600 NEAR BOROKO POLICE STN



3 PHOTOS for K2.00

only 66t each

READY IN 3 MINUTES FOR VISAS, LICENSES, CERTIFICATES, SCHOOLS, SPORTS, OR JUST FOR FUN

ALU SIGNS

PO BOX 7081 BOROKO TEL 25 4600 NEAR BOROKO POLICE STN

SCREEN PRINTING INK 1 kg for K8.41



continental trading box 7077 boroko

Bihain long 10-pela yia

TINGTING BILONG YU OLSEM WANEM LONG

wok bilong ol gavman bilong yu.

Ol Provinsal Gavman, Lokal Gavman Kaunsil, Komyuniti Gavman na Lokal Gavman na Spesel Atoriti insait long PNG i winim pinis 10-pela yia nau. Mipela i laikim YUPELA long tok save long MIPELA long tingting bilong yupela long ol dispela kain kain gavman.

Yupela i ting ol Lokal na Provinsal Gavman bilong yupela i yusim gut mani bilong yumi o nogat?

Yupela i ting bai ol i mas kism moa pawa o nogat?

Yupela i ting Nesenel Gavman, Provinsal Gavman na ol Lokal Gavman i wok gut wantaim long helpim yupela o nogat?

Mipela i laik YUPELA i mas bekim ol dispela kain askim. Mipela i laik kism ol tingting bilong YUPELA long helpim mipela na kamapim wanpela plen bilong sindaun bilong PNG long bihaintaim.

Yupela i ken helpim mipela olsem.

1 Ol tisa insait long ol komyuniti skul bai askim ol papamama long autim tingting bilong ol Yu mas redi long bekim ol askim bilong ol long taim dispela program i stat long mun Novemba. Ol tisa bai tok save long yupela long wanem taim yupela i mas kamap.

2 Dispela komiti i wok long raun nau long PNG na toktok long ol publik. Yupela i mas kamap long ol dispela kibung na autim ol tingting bilong yupela i go long komiti.

Komiti bai raun long ol dispela ples long mun Oktoba na Novemba

OKTOBA 14-18 MILEN BE PROVINS

Alotau, Louisa, Esa'ala, Misima na Rabaraba

OKTOBA 19-24 NOTEN PROVINS

Lulu, Poondetta, Kokoda, Oro Be na Higaturu


OKTOBA 28 NOVEMBA I GALP PROVINS

Kerema, Malalaua, Bamuru, Kikori, Thu na Kamtiba

3 Yupela i welkam tu long salim pas i kam long mipela na autim tingting bilong yupela long dispela samting tu. Salim ol pas i kam long dispela adre


The Secretary
Parliamentary Select Committee on
Decentralisation,
National Parliament,
P.O. Box 596,
PORT MORESBY.

PALAMEN KOMITI I GLASIM WOK BILONG OL PROVINSAL NA LOKAL GAVMAN



Mipela i laik save tru long tingting bilong yu

Authorised by Tony Siaguru MP
Chairman of the Parliamentary Select Committee on Decentralisation
National Parliament





NEW GUINEA MOTORS

USED VEHICLES



LAE

UVL123	Toyota Coaster	25 seater	K700
UVL131	Toyota Coaster	Diesel 25 seater PMV	K2,500
UVL166	Toyota Coaster	Diesel 25 seater PMV	K2,800
UVL144	Toyota Coaster	Diesel 25 seater PMV	K2,800
UVL64	Toyota Stout	Pick-up excellent condition	K3,000
UVL182	Toyota Land Cruiser	Pick-up petrol 4x4	K3,200
UVL178	Toyota Land Cruiser	Coffee body 4x4	K3,500
UVL150	Toyota Coaster	Diesel 25 seater PMV	K3,500

GOROKA

UVGka	Mazda 323	Wagon family unit	K2,750
UVGka	Mazda B600 Ute	Runs well	K3,750
UVGka	Isuzu KB25	4x4	K4,500
UVGka	Land Cruiser HJ47	Utility	K4,500
UVGka	Isuzu WFR Bus	Good unit	K7,000

MT. HAGEN

UVH150	Mazda 929 Sedan	Air condition	K2,000
UVH153	Datsun 720	Ute 4x4 tidy unit	K2,500
UVH118	Mazda Ute	Good condition	K3,000
UVH165	Mazda Ute	Runs well	K3,000
UVH—	Isuzu Utes	4WD diesel re-condition	K5,000 ea.
UVH164	Isuzu WFR Bus	As new 15,000km	K7,000
UVH166	Isuzu Twin Steer	Highway truck vehicle	K16,000

KIETA

UVK148	Toyota Sedan	Re-conditioned	K2,750
UVK144	Isuzu TSD45	Excellent unit	K4,950
UVK12	PSF 80	Gen set as new	K6,000



Call in or phone us now!

PORT MORESBY Don Cook Ph: 25 3644	LAE Norm Keay Ph: 42 3477	KIETA Doug Shortland Ph: 95 6144	RABAU Frad Powell Ph: 92 1022	GOROKA Bob Balenzuela Ph: 72 1644	MT. HAGEN Bob Hall Ph: 52 1152	KIMBE Mark Seabrook Ph: 44 5547	and TABUBIL Ph: 44 5547
---	---------------------------------	--	-------------------------------------	---	--------------------------------------	---------------------------------------	----------------------------



Meri save kros oltaim

DIA LAIPLAIN,

Mitupela meri bilong mi i bin marit inap long 4-pela via nau. Mipela i gat tupela pikinini pinis na meri i gat bel gen.

Mi les nau long pasim bilong em. Sapos mi no kam bek long wok hariap bai em i wok long askim watpo na mi no kam bek long haus hariap. Oltaim em i save sutim tok long mi na tok mi save go raun na lukim ol arapela meri.

Mi no save kamap long haus bihain long 6 klok long apimun. Na mi save tokim em tu olsem sampela taim mi mas stap bek long opis na mekim ol arapela wok. Na sampela taim mi no kam bek long haus hariap bikos mi bin bungim ol olupela skul pren bilong mi.

Mi save belhat nogut tru bikos mi no gat tingting long lukim ol arapela meri. Watpo na meri ya i save jeles nating long mi?

MI LES PINIS.

DIA PREN,

Mipela i save long dispela hevi bilong yu na ating yu mas sem long ol lain i stap klostu long yupela i harim meri bilong yu i wok long kros oltaim.

Mipela i no inap tokim yu watpo na meri bilong yu i jeles na i save kros oltaim. Tasol mipela i ken givim yu dispela hap tok, mobeta yu yet i askim em long tokim yu long as bilong dispela pasim em i save mekim.

Ating long taim yu toktok long em bai em inap long tokim yu long as bilong tok. Em i no isi long toktok tasol em i gutpela sapos meri ya i tokim yu long as bilong dispela wari bilong em.

Yu yet i mas painimaut meri i tingting wanem long yu. Em i laikim yu strong yet o olsem wanem. Yutupela i toktok na traun long stretim dispela hevi namel long yutupela yet.

Ating i gat as bilong dispela hevi. Marit bilong yutupela i stret o nogat? Na ol lain famili bilong meri na bilong yu i amamas long dispela marit bilong yutupela o nogat? Yu baim meri bilong yu pinis o nogat ol lain bilong meri i laik bai yu baim meri.

Nogut meri bilong yu i pilim olsem long taim yu pinis wok na go bek long haus yu no save tingting long em. Ol pikinini tu i save bikhet liklik na long taim mama i gat bel bai em i painim taim long lukluk long ol pikinini na traun long kukim kaikai o mekim ol arapela wok. Ating em i laik yu helpim em tasol yu no tingting long mekim dispela.

Meri bilong yu i gat rait long tingting olsem yu mas spendim moa taim wantaim em na ol pikinini. Na em i bikpela samting tu sapos ol pikinini i liklik na i gat bikpela wok long was long ol.

MI LAIPLAIN.

Sapos yu gat wari o askim salim i kam long Laiplain Box 6047, Boroko.

ELECTORAL COMMISSION

NEW IRELAND PROVINCIAL ELECTORAL BOUNDARIES COMMISSION

PUBLIC OBJECTION PERIOD — REVIEW OF NEW IRELAND PROVINCIAL CONSTITUENCIES.

The people of New Ireland Provinces are informed that preliminary recommendations or proposals and maps for New Ireland Provincial Constituencies are now displayed or exhibited throughout the districts, outstations and at the Provincial Headquarters in the province.

Any interested persons, groups or political parties wishing to object to the proposals should do so no later than 18 December, 1985.

All written objections, suggestions or views should be addressed to the,

**Chairman,
New Ireland Provincial Electoral Boundaries Commission**

**PO Box 295
KAVIENG N.I.P.**

The Public Objection period is from 27 October, 1985 to 18 December, 1985.

M. Vekwa

**M. VEKWA
CHAIRMAN**


NEW IRELAND PROVINCIAL BOUNDARIES COMMISSION

17 October, 1985.

Ol yut wokman kisim moa trening

I GAT wanpela askim i go pinis long Bisop bilong Lotu Katolik long Aitape Daiosis, Bisop William Rowell, long opim wanpela kos bilong ol 18 Komyuniti Yut kodineta na 24 distrik yut kaunsil eksekutiv. Dispela kos bilong Wes Sepik bai stap long wan wik olgeta long 24 i go inap 29 Novemba.

Dispela woksap bai givim moa tingting na save i go long ol dispela yut wokman long rot bilong stretim ol pepa wantaim ol askim bilong kisim projek wok, raitim ol gutpela ripot, stretim ol hevi em wan wan yut grup i save bungim na rot bilong lukautim na ranim ol projek wok bilong ol yut grup.



Lida bilong Bahai Misin long Mosbi, Dokta Sirus Naragi i laikim PNG i sapatim program bilong Intenesel Yia bilong Pis.

Ol Bahai i laik 1986 i yia bilong

SPIRITUAL Asembli bilong Bahai Misin insait long PNG i putim kamap bikpela tok save bilong Intenesel Yia bilong Bel Isi long tude (Fonde, 24 Oktoba).

Dispela tok save i sut stret long program bilong mekim yia 1986 i kamap Intenesel Yia bilong Bel Isi long olgeta hap bilong wol.

Dispela tok save i karim bikpela askim i go long olgeta kantri long lusim pasin bilong birua na tambuim ol samting bilong kamapim bikpela pait.

Lida bilong Bahai

Misin long Mosbi, Dokta Sirus Naragi wantaim press opisa bilong dispela Misin long PNG, Mista Ho San Leong i tokaut long as bilong dispela tok save long dispela wik Trinde.

Dispela bikpela tok save bilong ol i gat 6-pela het tok:

1. Dispela wol i mas i gat intenesel pis (wanbel pasin).
2. Olgeta kantri i mas tambuim wok bilong mekim kamap samting bilong pait.
3. Olgeta lida bilong gavman i mas bung long kamapim bel isi long wol.

bel isi

4. Ol Sios o misin i mas bringim kamap wanbel na gutpela sindaun bilong pipel.

5. Ol meri i mas bung long bringim bel isi long wol.

6. Olgeta pipel bilong wol i mas bung wantaim long stapim birua pasin.

Mun bilong ol mirakel

Long las wik moa long hundet sik manmeri i wok long go long lukim mirakel gel bilong Mosbi Ioa Morea Boiori long stretim ol. Na narapela 5,000 pipel i wok long bung long Laiwaden ovel long Madang long lukim ivenjelist Peter Youngren i wok long lotu na stretim ol manmeri i gat sik.

Ripot, i kam long Reveran Graham Baker bilong Gospel sios insait long Madang i tok olsem moa long 1,000 (wan tausen) i senisim laip bilong ol pinis bihainim singaut bilong Peter Youngren.

Ivangelist Peter Youngren bilong Keneda igat pawa long stretim sik na moa long 100 sikmanmeri i bin orait gen, insait long tripela nait bilong dispela kruset.

Ripot i tok plenti pipel i bin tokaut olsem

sik bilong ol i pinis na ol lain husat i no bin inap wokabout bipo gen. Na ol lain husat i no bin inap harim bipo inap harim gen.

Ivangelist Youngren i bilip olsem toktok na pawa bilong gospel i no bin senis inap long taim sios i stap. Olsem na em i bilip bai laip bilong ol pipel na bodi bilong ol i kamap gut sapos ol i harim na bilip long gospel bilong Jisas.

Ol lain Gospel Lait Haus, Angliken sios, Yunaitet sios, Baptis sios, Assembli ov God na sampela narapela ol lotu i bin bung wantaim long kamapim dispela kruset na singautim Peter Youngren i kam.

Reveran Baker i tok ol pipel husat i bin kam long lukim dispela kruset i bin kam long ol eria raun long Madang

na Hailens tu.

Em i tok i bin gat wanpela semina bilong ol pasta tu i bin kamap long dispela taim olsem na ol pipel i bin kam bung.

Em i tok dispela em i namba wan taim tru long kain bikpela kruset olsem i bin kamap long Madang na lotu i tokaut wantaim gen ol i ken kirapim narapela kain kruset olsem neks yia.

Reveran Baker i tok dispela kruset i helpim tu ol lain trabel man na raskol long senisim laip bilong ol tasol em i tok em i no save yet hamas raskal i bin mekim olsem bilong wanem i gat planti pipel tru i kamap bung long dispela taim.

Reveran Peter Youngren i stap long Mosbi nau

Sande lotu

Frank Mihalic

SANDE NAMBA 31 BILONG SIOS YIA

ASTINGTING bilong Jisas em i dispela: yumi mas laikim God na yumi mas laikim ol arapela man. Sapos yumi bihainim dispela tupela lo, bai yumi holi na yumi win.

Planti bilong yumi i no painim hat long laikim God. Tasol laikim ol narapela manmeri, em i no isi.

Sen Pol long namba wan pas i go long ol Korin, long sapta 12, em i givim gutpela tok piksa tru long pasin bilong laikim ol arapela manmeri. Laikim ol i min: sindaun gut wantaim ol, wok gut wantaim ol, helpim ol. Long tingting bilong Sen Pol, bodi bilong yumi yet i givim gutpela eksampel tru long dispela aidia bilong bung wok wantaim.

Pol yet i tok olsem: Bodi i gat planti hap bilong en. Wan wan hap i no jeles long narapela. Lek i no laik kamap han, na han i no laik kamap ai. Bodi em i no ai tasol. Nogat. Em i han na lek na yau tu.

Sapos bodi em i ai tasol, bai yumi harim tok olsem wanem? I no ken... God yet i wokim wan wan hap bilong bodi, na i givim wok long wan wan. Na olgeta hap i wok gut wantaim.

Sapos wanpela hap i pen, bodi olgeta i pilim nogut. Yu ting tasol long het i pen. Na tu wan wan hap bilong bodi i lukautim ol arapela hap.

Dispela tok bilong Pol i tru tumas na i givim gutpela eksampel tru long yumi. I tru, olgeta wan wan hap bilong bodi i pulim olgeta samting i kam long ol yet. Taim yumi lukim samting o pilim samting o smelim samting o harim samting o kaikai samting — long olgeta dispela taim yumi pulim samting i kam. I tru. Tasol bilong wanem? Bilong helpim bodi tasol.

Lukim gut! Ai i no save lukim em yet. Yau i no save harim em yet. Maus i no save kaikai em yet. Han i no save holim em yet. Fut i no sanap long em yet. Olgeta samting em i mekim, em i mekim bilong helpim bodi...

Olsem tasol na bodi bilong yumi i ken skulim yumi olgeta de long mekim gut long ol narapela manmeri nabaut. Yes, bodi bilong yumi na olgeta hap bilong em i gat lo long helpim bodi tasol. Tasol em i no gat lo bilong helpim ol arapela bodi, ol arapela man. Nogat.

Dispela aidia bilong helpim narapela bodi, narapela man, em i samting yumi mas lainim. Dispela aidia yet em i astingting bilong Jisas na bilong ol kristen. Yu mas go aut long bodi bilong yu, yu mas helpim narapela manmeri.

Stat long taim yumi bebi yet inap yumi lapun pinis, yumi hatwok long lainim dispela lo. Yu lukim ol manki i skul long pilai futbol. Boi i kisim bal, em i laik pulim i go; em i no laik salim i go long narapela boi. Nogat. Tasol long mekim gutpela pilai na win, em i mas salim bal i go i kam namel long ol boi bilong tim bilong em. Tasol em i mas lainim dispela samting. Aidia bilong givim long narapela man, em i no kamap nating.

Famili i no ken ran gut na gavman na sios tu, sapos ol manmeri i no wok gut wantaim. Air Niugini i no ken ran, na ami i no ken ran, na haus sik i no ken ran, na ensin long PMV i no ken ran sapos olgeta hap bilong en i no wok gut wantaim.

Sapos wanpela hap, o wanpela manmeri i no wok gut, dispela i ken faulim na stapim bikpela wok olgeta. Sapos sampela i stap wok na i straik, olgeta wok i pundaun. Straikman i laikim olsem. Em i lo bilong straik. Man/meri ya i laik soim yu: em i no samting nating; em i samting tru. Na sapos em i no stap, wok i no ken go het...

Mekim gut long ol arapela manmeri long graun, em i rot bilong winim heven. Long las de bai gat bikpela eksemnesen. Bai jas i askim wanpela kwesten tasol. Na yu win o lus long bekim bilong dispela wanpela kwesten. Man! Ating em i bikpela kwesten tru.

Mi laik tok stil long yu nau. Mi laik tokim yu bai jas i askim wanem samting... Olgeta sumatin i hepi tru sapos em i save long kwesten bilong eksemnesen bipo taim. Ating yu tu i ken hepi nau.

Harim gut nau! Em hia kwesten jas bai askim: "yu bin mekim wanem gutpela samting long ol arapela manmeri?" Em tasol. Jisas yet i tok olsem long Matyu 25:40.

Orait, nau yu save pinis long kwesten. Ansa i stap long han bilong yu.

Skul bilong ol kaunsila long Goroka

OLSEM WANEM bai ol pipel husat i mekim ol bikpela wok i givim gutpela tok save o helpim i go long ol pipel husat i gat ol kain kain wari? Ol lain long Kristin Institut bilong Kaunseling i save givim ol trening kos i go long ol pipel husat i save mekim ol dispela kain wok.

Long dispela wik i bin i gat samting olsem ol 30 wokman bilong gavman na ol sios i stap insait long wanpela bilong ol dispela kain kos i kamap long Goroka. Dispela kos i bin stat long 6 Oktoba na i pinis long 12 Oktoba.

Ol lain pipel husat i bin kam long stap insait long dispela kos i bin kam long ol kain kain wok insait long kantri. I bin i gat ol tisa, ol nes, metron, ol wokman bilong sios, ol welfea opisa na edu-

kesen tu i bin stap insait long dispela kos.

Ol dispela lain husat i bin kam long dispela kos i bin baim fi na rot bilong ol yet long go antap long Goroka na stap insait long dispela kos.

As tingting bilong kirapim ol kain kos ol em long givim trening i go long ol dispela wokman na meri husat i gat laik i mekim ol wok we ol bai bungim dispela kain hevi long ol manmeri husat i laik kisim helpim long ol wari bilong ol.

Dispela kos i givim skul long ol dispela manmeri long wanem kain pasin ol i mas bihainim long helpim ol manmeri husat i kamap long wantaim ol wari bilong ol.

Dispela kos i helpim tu ol manmeri ya long save gut long pasin ol manmeri i save tingting na mekim kain samting long laip bilong ol.

Ol lain ya wok long ol liklik grup we ol i save bungim ol manmeri i husat i gat ol kain kain hevi. Na insait long dispela kos ol manmeri ya i lainim pasin bilong toktok,

wantaim ol manmeri husat i gat ol hevi na helpim ol long autim tingting na toktok long wanem kain samting tru i wok long mekim ol i wari.

Ol sampela samting em ol dispela lain i bin mekim insait long dispela wan wik kos bilong ol em long lukim ol video piksa, sindaun toktok long ol liklik grup, na wokim liklik pilai bilong kain wok em ol i wokim.

Dispela ol samting i helpim ol dispela wokman na meri long lukim gut wanem kain rot ol i paul long en na helpim ol yet long stretim gut ol pasin na stretpela rot bilong helpim ol manmeri husat i kam long ol askim long givim helpim.

Ol lain husat i bin givim dispela skul long ol lain manmeri ya em Brata Ron Perry bilong Institute ov Kaunseling long Sidney, Australia, Sista Maria Burke bilong Melanesia Institut long Goroka na Sista Judith de Motfort na Douglas Tennet bilong Kristen Institut ov kaunseling long Goroka yet.

ALU SIGNS

PO BOX 7081, BOROKE TEL 25 4600
NEAR BOROKE POLICE STN

One-Stop
STATIONERY
CENTRE
Retail/Wholesale

Tupela bikpela ston i painim ples



BIPO, tru long taim bilong ol tumbuna i bin i gat tupela man i save stap antap long ol maunten we Sepik wara i stat long en. Dispela tupela man i painim olsem spes i stap long

Tupela man ya i bilong tupela famili. Nem bilong wanpela

man ya em TUN-JIMELI bilong SARAK wanpin. Na narapela em KOLUNGUDIMI bilong SAMBLAP wanpin.

Dispela hap tupela man ya i stap long en em ol i kolim SAKITIP. Tupela man ya em ol tumbuna i sotim nem bilong ol na kolim ol Kolung na Tunjs. Na tupela i no manki man.

Wanpela taim nau bikpela ren win i kamap na ples i pas olgeta long blakpela klaut. Na tupela man

ya Tunjs na Kolung i tanim kamap tupela bikpela ston tru.

Tupela i stat long tantanim nau bikos tupela i pilim hat nogut na ol i laik painim kol ples. Na het bilong wara Sepik em ples we tupela i stat long tantanim i kam daun.

Tupela i tantanim i go kamap long liklik barit tru we wara Sepik i stat long en. Na tupela i laik sindaun long wara ya. Tasol i no gat spes. Wara i no daun tumas long karamapim tupela. Olsem na ol i wok

long painim ples bilong sanap yet. Tupela i lusim Sepik na ol i wokabaut yet long Wara Sepik i go daun long painim wanpela bikpela basis.

Ol i go kamap long wanpela basis tasol nogat, papa bilong basis i stap aninit long wara i no laikim tupela man ya i stap long hap bilong em. Bikos sapos tupela i stap bai tupela i karamapim olgeta spes long basis bilong em.

Tupela i rol na tanim, tanim i god

daun yet long wara Sepik, na ol i go kamap long narapela ples long Sepik. Papa pukpuk husat i masalai bilong dispela hap i no laik bai tupela i stap.

Em nau tupela i wokabaut yet i go daun bihainim tait bilong Sepik yet na ol i wok long painim bikpela ples we tupela i ken i stap olgeta.

Tasol long olgeta hap papa bilong ples i no laik bai tupela i stap. Tujimeli wantaim Kolungudimi i bihainim Sepik i go, i go, i go na ol i kamap long maus bilong Kopar, we wara Sepik i bungim solwara. Em long hap bilong Murik.

Tupela i painim rot yet long solwara i go na long olgeta hap tupela i laik sanap long en i gat papa bilong dispela eria. Na ol i no laik tupela man ya i stap long hap bilong ol.

Tunjs na Kolung i wokabaut i go long rot bilong san kamap.



Tupela i painim yet ples... na i no inap tru. Dispela tupela man ya i narapela kain ston tru olsem na ol arapela masalai nabaut aninit long wara Sepik na long bik solwara tu i no laik bai tupela i stap klostu long ol.

Tunjs wantaim Kolung i wokabaut yet i go i go inap long tupela i painim bikpela basis tru. Tupela i laik i go insait long dispela basis tasol ol papa bilong dispela eria i tambuim tupela.

Ol i tokim tupela long wokim ples bilong tupela namel long solwara. Na ol i givim wanpela hap spes tasol.

Em nau tupela ston i planim olgeta i stap.

Tude dispela hap tupela ston ya i sanap long en em ol i kolim Simpson basis long Rabaul. Na tupela bikpela ston ya i sanap ausait long basis long Rabaul ol kolim BEE-HIVES.

Long dispela stori tumbuna, nem bilong tupela draipela ston sanap long Rabaul basis em TUN-JIMELI wantaim KOLUNGUDIMI.

**Yuaneng Sissu
Maliau viles
Wapanamb eria..
Wara Sepik. ESP.**

POP YOUR TOP!
With Sparka and WIN GREAT PRIZES

HUNDREDS OF SPARKA T-SHIRTS TO BE WON!

RADIO CASSETTE EVERY WEEK!

IT'S EASY TO WIN!
Here's all you have to do:

Just buy a bottle of any flavour Sparka Softdrink from any Stret Pasin Stoa, other nominated Trade Store, or Supermarket in Port Moresby.

Remove the top. Then with your fingernail or pocketknife, remove the cork seal inside. If you see the letter S, P, A, R or K — **SAVE IT**, until you can spell the word:

S P A R K A

Then collect an official entry form from the store where you bought your Sparka Softdrink; take the form and the bottle tops spelling SPARKA to:

HOHOLA SOFTDRINKS
Corner of Koani and Gabaka St., Gordon (Behind Arrow Bakery)
and Collect your Sparka T Shirt!

AND THEN: Your name is automatically entered in the weekly major prize draw!

If your name is drawn, you will be the **LUCKY WINNER** of a 4-BAND STEREO RADIO CASSETTE RECORDER valued at K120!

SPECIAL PRIZE FOR YOUR FAVOURITE STOREKEEPER THE STOREOWNER WHO HAS THE HIGHEST NUMBER OF WINNING ENTRIES WILL ALSO WIN A RADIO CASSETTE

Competition begins 21 October 1985
No claims will be recognised after the closing date 20 December 1985

Wantok BUK KLAP

LUKIM WANEM BUK YU LAIKIM NA SALIM TASOL MANI KAM NA BAI MIPELA I SALIM BUK BILONG YU I KAM.

- Putim dispela mak x insait long boks long makim wanem buk yu laikim.
- Prais bilong buk i karamapim pe bilong pos opis insait long PNG.
- Bai i gat ol nupela buk bilong Wantok Buk Klap olgeta tupela wik.

Rockets and Spaceflight
Osborne Explainers

19 x 20

Wantok Buk Klap Prais — K1.95

Early Man

Osborne

21 x 28

Wantok Buk Klap Prais — K4.45

The Kokoda Campaign

by Margaret Browne

19 x 20


Wantok Buk Klap Prais — K3.20

English Spelling

Osborne English Guides

17 x 25

Wantok Buk Klap Prais — K5.85



Salim dispela fom wantaim sek o posta oda bilong yu i kam long: Wantok Buk Klap, P.O. Box 1385, Port Moresby.

NEM: _____

ADRES: _____

- Salim oda bilong yu i kam.
- Ol buk bai kamap bihain long 28 de.
- Olgeta buk ya i kam long WEB Books.
- Putim oda bilong yu long dispela fom tasol.

Ol meri PNG bai resis long Nu Silan

PAPUA Niugini bai salim wanpela soka tim bilong meri i go resis long Oklan, Nu Silan namel long 29 Mas i go inap long 12 Epril long neks yia, 1986.

Dispela resis long Nu Silan em i bikpela pilai bilong winim Oseania Womens Kap. Bai gat tim bilong PNG, Australia, Nu Silan, Solomon Ailan, Fiji na Taiwan i kamap long pilai.

Seleksen komiti bilong PNG Futbol Asosiesen i makim 32 meri insait long PNG trening skwat, bihain long nesenel womens soka sempiansip resis insait long Lae long tupela wik bipo. Hetman bilong komiti,

Andrew Waho wantaim nesenel soka kosa, John Peka; namba tu kosa, Stalin Jawa; Vais Presiden bilong Oseania Womens Futbol Kaunsil, Kay Binding na lida bilong ol meri pilaia, Cathy Emang i bung na makim ol pilaia namel long de bilong resis.

Dispela komiti i tokaut long lain ofisal husat bai bosim PNG womens skwat. Chillen William em i het-kosa, Bobby Hemboring (asisten kosa), Kay Binding (tim menesares) na Lynna Waho (asisten menesares). Ol bai makim wanpela tim dokta na PNG reperi long go wantaim tim. Na PNGFA bai makim wanpela ofisal bilong



en yet.

Kosa Chillen William bai mekim lukluk raun long Rabaul, Popondetta, Goroka, Hagen na Kimbe long sekim wok redi bilong ol meri pilaia bilong skat. Ol pilaia husat i no mekim kamap smatpela wok redi bai dropout long tim. Bihain long dispela kain wok sekap, bai

Ben Wauns i raitim

kosa i makim 22 pilaia tasol long go insait long trening kem long Mosbi.

Trening bilong skwat bai kamap long Mosbi namel long 17 Februari i go inap long namb 4 wik bilong Mas long neks yia. Na bihain bai ol i katim daun PNG skwat i go long 18 pilaia wantaim 7-pela ofisal.

Dispela 22 pilaia insait long skwat bilong go long Nu Silan i mas givim K500 i go long PNGFA bipo long 31 Januari, 1986. Ol meri husat dropout long fainal skwat bai kisim bek mani bilong



ol. Dispela K500 i bilong helpim PNGFA i stretim pe bilong balus long go na kam.

Eksekutiv komiti bilong PNGFA i bilip bai kos bilong mekim wok redi na salim tim i go long Nu Silan na kam bek i winim K25,000 mak. Na Presiden bilong PNGFA, Wep Kanawi bai kirapim pablik apil


namel long neks wik long traim pulim helpim mani i go inap long Mas, neks yia.

Em i namba wan taim long PNG i salim wanpela soka tim bilong meri i go resis long ovasis namel long 22 yia olgeta. Dispela 22 yia i kamap bihain long PNGFA i joinim Federesen bilong Intenesenel Futbol Asosiesen (FIFA) long yia, 1963. Long dispela as, PNGFA i laikim ol manmeri bilong dispela kantri i givim han wantaim ol bikpela bisnis haus long salim ol meri pilaia i go long dispela bikpela soka resis long ovasis.

Lista bilong trening skwat: Jennifer Totabu, Ibowato Palo,

Rose Bukoya, Pency Sawan, Julie Bibi, Jean Norrie, Velda Mave, Dorcas Horris, Wadobato Bani, Elvina Joseph, Joycelyn Siniuh na Kumaut Molean (Mosbi). Lydia Samson, Dorothy Lucas, Singeng Bosuke, Margaret Anio, Nellie Popau, Joanne Apiro na Ursula Wannana (Lae). Angela Gari, Rosemary Dala, Mary Gar na Mary Topu (Kimbe), Ikanau Matangiau, Anne Bonney na Margaret Chalapan (Goroka), Susie Robert, Jennie Stevena, Rolene Noen (Rabaul), Helen Mapun, Dorothy Koibu (Hagen) na Hagar Barau (Popondetta).

Moule i top soka reperi



SENIA REPERI bilong Mosbi soka, Ian Moule, i kamap namba wan PNG reperi long kisim wanpela "Intenesenel Reperi Medal" i kam long Federesen bilong Intenesenel Futbol Asosiesen (FIFA).

Papua Niugini Futbol (Soka) Asosiesen (PNGFA) wantaim PNG Futbol Reperi Asosiesen i amamas tru long lukim Ian Moule i kisim dispela mak long dispela wik Mande.

• *Presiden bilong PNGFA, Wep Kanawi (namel) i givim medal na sekanim Ian Moule (raitim). Seketeri jeneral bilong PNGFA, Andrew Waho i amamas tru long Ian i kisim dispela namba.*

Presiden bilong PNGFA, Wep Kanawi i givim dispela FIFA medal i go long Moule. Na em i tenkyu long Moule i mekim wok reperi namel long yia, 1981 i kam inap long em i kisim dispela namba wan mak.

Kanawi i bilip dispela mak em i namba wan samting i go pas long planti arapela gutpela rot i ken kamap bihain long apim nem bilong soka pilai insait long dispela kantri. Na em i namba wan samting bilong PNGFA, olgeta reperi, soka asosiesen na soka sapota insait long PNG i amamas long en. Long wanem PNGFA i kamap memba bilong FIFA long yia, 1963 i kam inap nau na kisim dispela medal bilong reperi.

Presiden bilong PNG Futbol Reperi Asosiesen, Napoleon Liosi i tenkyu tru long Moule i kisim dispela medal namel long tupela arapela PNG reperi husat i gat nem long lista bilong FIFA. Na em i bilip bai planti arapela reperi bilong PNG i luksave long dispela namba na wok hat long lukautim soka pilai long wan wan hap bilong ol.

Ian Moule i gat, 36 krismas na em i, bilong Sidney, Australia. Em i wanpela gavman kontrak opisa husat i kam long Mosbi long yia, 1978. Em i wok aninit long PNG Gavman na go bek long asples long yia, 1980. Em i kam bek long yia, 1981 na go het long mekim wok reperi.

Moule i tok, "Mi amamas long kisim dispela namba. Bikos em i sanap makim bikpela prais long mi, PNG na ol reperi bilong dispela kantri. Em i tru olsem planti pilaia na sapota i birua na tok nogutim mi long ples pilai. Tasol mi no givap. Mi sanap strong na soimaut long arapela reperi olsem ol i mas bihainim pasin, bilong mi na go het long mekim soka pilai i kamap smatpela, gutpela na bikpela spot insait long PNG."

Sandaun i go slip nau

nimo resis.

Vanimo soka sisen i bin pinis long 12 Oktoba. Tasol ol foapela tim bilong ol 'A' gret na 4-pela tim bilong U19 i stap pinis long lista bilong Fainols. Ol hia 'A' gret: Guria, Lido, Sandaun na Yako. U19 Yako, Guria, Vanimo Haiskul, Nalu.

Sandaun bikpela soka klap long Vanimo i gat bikpela

nem wantaim soka tim bilong ol Waromo i bin popaia long taim namba wan straika bilong Yako Chris Katabar i bin nilim win gol insait long 52 minit bilong pilai.

Chris Katabar long dispela taim yet, i sut olsem roket long olgeta kona inap ful bek wea, em i sotwin long en. Tasol namba wan straika bilong ol Sandaun soka tim Saul i bin mekim wankain spit wan-

taim Lewis Warike long bekim dispela dinau, tasol tupela brata ya, Paulinus Hababu na Abraham Hababu i strong moa yet long ful bek long stapim olgeta roket straika bal bilong ol Sandaun.

Yako fowut lain, tu i bin painim hat liklik taim ol i kam bungim tupela brata ya Vincent Isuran na Thomas Isuran insait long ful bek bilong ol Sandaun.

Pilai i bin kamap hat stret long 60 minit taim Sandaun straika i kamap resis wantaim Yako long dro win, long wanem wanpela point em i samting nating. Tasol Yako i putim simen banis long dispela las minit na Sandaun i popaia insait long fainol resis long kamap king olsem ol i gat tingting long en.

Yako i bin winim dispela pilai 1-0 na nau ol i stanbai long lusa bilong Guria na Lido insait long meja

semi fainols. Ol gutpela pilaia bilong Sandaun long dispela taim em, Saul, Lewis Warike, Alfred, Samson long fowut lain na Vincent Isuren Swipa na Thomas Isuren stopa long fulbek, Benny long gol.

Long pilai bilong U19 Vanimo haiskul i autim pinis tim bilong Sandaun 2-0, na bai ol ilukim Yako long meja fainol long neks wik Sarere.

Guria nau i sanap wetim gren fainol.



ABI HABA i raitim

BIKPELA SOKA klap SANDAUN husat i gat bikpela laik long king bilong Vanimo long 1985 nau i popaia long taim Yako i bin givim ol 1-0 long namba wan semi fainol bilong Va-

Sunam i autim tripela taitel

Presiden bilong PNG Futbol (Soka) Asosiesen, Wep Kanawi, i helpim Sunam hoki klap long raitim rekot bilong Mosbi hoki resis long las wik Sarere.

Kanawi i skoim tupela na helpim Kis-Sunam tim long wilwilim Bismak 4-1 insait long gren fainal resis bilong man B gret. Em i bin skoim namba tri gol na em i kalap na singsing insait long Sir Hubet Mari stadium long Konedobu, Mosbi. Tasol reperi i no oraitim gol, bikos Kanawi in opsait. Sapos nogat, em bai

Kanawi inap brukim rekot long skoim tripela gol insait long wanpela hoki resis.

I gat narapela rekot Kanawi i bin mekim kamap long Mosbi hoki resis long 4-pela wik bipo. Em i brukim tripela hoki stik insait long wanpela hoki gem. Dispela em i PNG rekot na em i bilip olsem nem bilong em i mas go insait long wol hoki rekot tu.

Bihain long tim bilong Kanawi i winim gren fainal resis, i gat tupelal tim bilong Kis-Sunam i kisim taitel tu. Meri A gret tim bilong ol i autim Yunaitet 2-0. Na man

Ben Wauns i raitim

A gret sait i abrusim Bismak 1-0.

Dispela rekot bilong Sunam tim i winim tupela taitel long gren fainal resis i sanap long Mosbi namel long yia, 1981 i kam inap 1983. Na Rokets i kisim dispela rekot long las yia. Bismak hoki klap husat i wanpela sempian hoki sait long Mosbi i popaia long brukim dispela rekot namel long tripela yia bipo i kam inap nau.

Insait long namba gren fainal resis, Meri

B gret tim bilong Air Niugini i pulim daun Rokets 1-0. Dispela gol i kamap long penalti hit insait long las minit stret bilong resis. Ol meri Air Niugini i win na i no isi long amamas.

Ol i opim wain dring long ples pilai na was was long wain dring antap long ka i go kamap long 7-mail.

Wep Kanawi wantaim man B gret tim i amamas tu, bihain long ol i autim Bismak 4-1 insait long namba tu resis. Lain pilaia bilong Kanawi i go arere long ples pilai na opim wain dring nabaut. Oli

amamas na singaut long arapela resis namel long Sunam A gret meri na Yunaitet.

Lain pilaia na sapota bilong Sunam i kirapim bikpela singaut na amamas, bihain long tripela tim bilong ol i autim taitel. Dispela taim bilong amamas i kamap gen long presentesen nait long Moto Spot Klap long Gordon. Dispela amamas nait bilong gimaut sil, tropi na arapela prais i kamap wantaim bikpela mumu. Dispela nait bilong amamas i kirap long 7 klok nait i go inap long 11 klok nait.



MOSBI SOFBAL DRO - OL MERI SARERE 19 OKTOBA, 1985

TAIM	A GRET TIM	REPERI
10.30	CC-Gasel V Excels	C.H'kins
12.00	Yokoko V Kapit	N.K'mara
1.30	Demons V Kabiu	A.K'pia
3.00	Agogol V Wantoks	R.Kasman
4.30	Mazda V Sankaro	J.Bampton
A RESERVE		
10.30	Adkol V Manalos	A.LeBlanc
12.00	Sankaro V Mazda	D.Tamia
1.30	Malangan V CC-Gasel	M.Bakou
3.00	Kapit V Insurens	V.Rumery
B GRET		
10.30	Mediks V SPIA	M.Pouru
12.00	Agogol V Tarangau	S.Kila
1.30	Police V Wantok	M.P'ngan
3.00	Manolos V Yokomo 2	E.George
4.00	PNGBC V Malangan	F.Bundu
C GRET		
10.30	Kerevat V ANGGZ	J.Bae
12.00	ESA V Hansa Be	E.Kedek
1.30	Insurens V Aviat	M.Walne
3.00	Chebu V Kabiu 2	S.Kuam

SOFBAL DRO - OL MAN

WIK 04 — SANDE 27 OKTOBA, 1985

TAIM	DAIMON 1 TIM	REPERI
9.00	Kabiu V Chebu	S.Malum
10.30	AvdevML V I.Hauks	R.Rolly R.Tedor
12.00	Nissan V Yokomo	M.Pupun M.Santo
1.30	Elcom V B.Eagles	M.Tigilai P.Tonga
3.00	Fuji V Kabiu	S.Paranis Satoko
4.30	Mazda V NGI	J.Pidik M.Tako
DAIMON 3		
9.00	Insurance V ESA	C.Girana
10.30	Elcom V B.Eagles	N.Tata H.Hara
12.00	YMCA V Chebu	J.Sogai N.Nakada
1.30	NGI V AvdevML	J.Tengis M.Pasok
3.00	Nissan V Mazda	B.Diap L.Kamara
4.30	ESA V Kabiu	M.Nialir G.Madao
DAIMON 2		
9.00	Karanas V Bomana	S.Polum
10.30	A.Niugini V SPIA	O.Taule
12.00	Tarangau V Fuji	J.Base
1.30	Yokomo V Hansabe	A.Nemar
3.00	Kerevat V Aviat	C.Theo
4.30	Karanas V Adcol	S.Kalai
DAIMON 4		
9.00	YMCA V Manolos	T.Alau
10.30	Tarangau V Manolos	N.Sandrol
12.00	AvdevML V Saints	J.Wangor
1.30	Aviat V Dela Sale	L.Sorang
3.00	Yokomo V University	E.Lingau
4.30	B.Eagles V Insurens	C.Willie Nissan Bye

Club:

Time - Steward - Umpire
9.00 - C.Hopkins - Tarangau
10.30 - M.Solo - Chebu
12.00 - F.Miso - ESA
13.30 - W.Daniel - Elkom
15.00 - P.Mesak - AvdevML
16.30 - M.Kalas - Mazda

Sofbal das i kirap


Bikpela das tru i bin kamap long Vanimo long taim 1985/86 sofbal sisen i bin stat.

Moa long 8-pela tim bilong ol man na 7-pela tim bilong ol meri i kamap krungutum ol foapela deimond plet long sofbal wantaim han na leg guria long taim ol beta na ol pitsa i go insait long statim 1985/86 sison.

I gat bikpela interes tru i bin kamap namel long ol pilaia na spekteta long liklik taun long Vanimo we dispela pri sison bilong Vanimo sofbal i kamap.

Ol i ting olsem dispela yia bai sisen inap ron gut sapos olgeta tim i putim het wantaim na ronim dispela sofbal asosiesen wantsim ol eksekutiv.

Sekreteri bilong Vanimo Sofbal Asosiesen Mista Robert Senevi i bin putim kamap dispela pri sisen dro. Na olgeta pilaia i amamas tru long kamap na pilai insait long dispela namba wan raun bilong pri sisen.



• John Logosi isi liklik. Sisen tru i no stat yet na nogut masel na join bilong han i lus nating.

Waliya kirap bek long Mosbi soka

MOA LONG 80 man meri bilong Balimo na Daru i kirapim Kiwai danis na singsing long amamasim gren fainal resis bilong Mosbi soka long las wik Sarere.

Ol dispela pipel bilong Westen Provis i amamas. Long wainem tim bilong ol, Waliya, i sutim Sobou 2-0 insait long gren fainal resis bilong 1st divisien. Na ol i mekim kamap singaut olsem "Yia 1985 na 86 em i taim bilong Waliya!"

Dispela Waliya tim i sanap namba tri lata. Ol i autim Air Niugini 2-1 long maina semi na abrusim Milen Be Yunaitet 3-2 long priliminari fainal. Na ol i go het long autim Sobou.

Insait long gren fainal resis, Waliya wantaim Sobou i sanap 0-0 long hap taim. Lain straika bilong Waliya, Madula Demela, Gaiba Mala, Salape Agili, Ana Ema na Damaya Bebaesi i

abrusim 6-pela gutpela sans bilong skoim gol. Na sempian straika, Charles Ashley bilong Sobou wantaim Ronald Talasas, Patrick Myre na Raymond Siriwinna i popaia tu long 8-pela sans olgeta.

Insait long namba tu hap bilong resis, Waliya i senisim stail na ranim bal long graun i go insait long penalti bokis bilong Sobou. Risev pilaia bilong Waliya, Kimuli Wiyawa i go insait long 15 minit. Na em i skoim namba wan gol bilong Waliya long 18 minit bilong pilai.

Dispela gol bilong kimuli i kamap bihain long wanpela smatpela banana kik insait long penalti bokis bilong Sobou. Planti pilaia i bung klostu long maus bilong net. Kimuli i kisim bal na wipim long raithan kona. Bali abrusim lain fulbek bilong Sobou husat i pasim we bilong golkipa.

Long 13 minit bihain, Salape Agili

bilong Waliya gen i hetim namba tu gol. Long dispela taim bal i plai long lepwing i go insait long gol eria bilong Wobou. Salape husat i longpela man i kalap na hetim bal i go long kona bilong net.

Charles Ashley bilong Sobou i pilai strong tru long traim bekim gol. Tasol em i no kisim gutpela sapot i kam long lain poroman bilong em. Ashley i save pulim bal i go insait long gol eria bilong Waliya. Tasol em i nogat sapota na lain fulbek bilong Waliya i save autim bal.

Bihain long dispela resis, tupela komiti memba bilong PMSA, Mark Kelep na William Vui i tokaut olsem Sobou na Waliya i putim kamap smatpela na hatpela soka pait i gutpela moa i winim planti gren fainal pilai bipo.

Moa long 200 soka sapota i lukim tripela arapela gren fainal resis tu.

PNG salensim Olimpians

OL pipel bilong Mosbi siti bai lukim PNG soka tim i salensim Kanbera Siti Olimpians tim bilong Australia insait long tupela soka resis long dispela wiken.

Bai gat namba wan resis i kamap long Sir Hubet Mari stadium, Konedobu long dispela wik Fraide. Bai soka tim bilong Mosbi siti i salensim Kanbera Siti Olimpians. Dispela pilai bai kik op long 6 klok apinun.

Namba tu resis bai kamap gen long stadium long dispela wik Sande. Em bai PNG Nesanel tim i salensim Olimpians. Dispela

resis bai kamap long 4 klok apinun.

Bai gat tupela arapela sampela soka resis i kamap pastaim na opim dispela bikpela intanesenel resis bilong Sande. Long hap paswan (1.30pm) bai Mosbi skwat bilong meri i kik egensim kombain-tim i gat ol meri pilaia bilong Waliya, Rapatona, Yuni na Morobe Yunaitet. Na long hap pas tu klok (2.30pm) bai Mosbi Anda-19 tim i pilai wantaim tim bilong ol eks-intanesenel soka pilaia bilong PNG.

Lain Kanbera Siti Olimpians i gat 14 pilaia na 4-pela ofisal. Ol i kamap long Mosbi ples balus long wan klok apinun long dispela wik Trinide. Ol bai stap long Travelodge hotel long Mosbi. Na bihain long resis, bai ol i go bek long Australia.

ALU SIGNS
PO BOX 7081, BOROKO TEL. 25 4900
NEAR BOROKO POLICE STN

**PASSPORT
PHOTOS**
for all nationalities
all purposes
instant photos on request
FREE NEGATIVE

Ol top tim i top yet

NISSAN-GASEL, Ailan Hawks na Yokomo i tantanim birua bilong ol insait long Pot Mosbi man A gret resis long las wik Sande.

Disepla tripela tim i winim tripela resis bilong ol bipo. Na ol i traिम putim tim bilong ol antap long poin lata na luk daun long ol arapela birua. Tasol i gat bikpela salens i kamap long ol birua tim tu.

NGI i mekim kamap hatpela pait wantaim Braun Igels long namba wan resis. Stiaman bilong NGI, Ron Rolly wantaim yangpela pitsa, Stanley Tavul i trai hat long banisim Igels. Tasol sempian bata, David Kaputin wantaim lain man bilong Igels i mekim sampela gutpela hit na abrusim NGI 6-4.

Pitsa Kelvin Kaumi, ketsa Henry Kukup na senta filda, Mano Pupun bilong Ailan Hawks i go pas long tim na daunim strongpela Mazda Kaps tim 4-3 long namba tu resis. Dispela resis em i hatpela solbal pait tru long las wik. Long wanem tupela tim i sanap 1-1 insait long namba wan ining na dro 2-2 long pinis bilong namba tri ining. Na bihain ol filda bilong Mazda Kaps i mekim kamap liklik kranki pilai na larim

Hawks i tekova 4-3 long namba 5 ining.

Pitsa bilong Mazda, Emil Kereku i smat moa na autim Hawks long 6-pela Ke-tu na abrusim tripela Ke-tu bilong Kaumi. Kereku wantaim Rupen Ratia, Nelson Simba, Robert Nita, Ainui Diole, Stanley Wungia, Stanley Marita, na John Kauba i mekim longpela hit i go longwe long sentafil 8-pela taim olgeta. Tasol ol i slo tumas na Hawks i tambuim ol long raunim ol bes namel long namba 5 ining i go inap long namba 7 ining.

Fiji i lus kranki tru long Gasel 13-0 insait long namba tri resis. Ol sapota i mangalim smatpela filding bilong Fuji. Tasol stail bilong ol long batim bal i sik tru. Ol i larim sempian pitsa Christoph Timan na risev pitsa, Patrick Pilak bilong Gasel i luk smat moa. Long wanem planti Fuji pilaia i no swingim bat na traिम hitim bal. Nogat. Dispela pasin i mekim Timan na Pilik i skoim 10-pela Ke-tu olgeta.

Lain pilaia bilong Kabiu i mekim kamap tripela asua long namba tu bes na i lus 7-3 long Elkom insait long namba 4 pilai.

Namba tu besman bilong Kabiu, Boe Lahui i popaia long ketsim bal na tambuim ol rana bilong Elkom. Dispela ausa i mekim

Elkom i skoim tupela ran na go pas 4-2 long namba tri ining. Namba tu asua i kamap long taim Darius Lagar, Misiel na pitsa Max i traिम long stilim bes insait long namba 4,5 na 6 ining.

Kabiu i gat sans long skoim tupela o 4-pela ran moa na tekova long Elkom. Tasol ol yangpela rana i laik stilim bes na popaia. Namba tri asua bilong Kabiu i kamap long taim ol i guria na tromoi bal nating long fes bes. Bal i abrusim han bilong Lagar na Elkom i skoim narapela ran. Ol dispela asua i mekim Kabiu i lus long wanpela gutpela gem bilong ol.

Las pilai i lukim resis bilong sutim bel na pilai kaskas namel long Malangan na Yokomo. Tasol Yokomo i stap isi na givim hatwan long bal i go inap long las minit bilong namba 6 ining.

Malangan i mekim bal i abrusim seken bes na Joe Pupua bilong Yokomo i autim Malangan 6-5.

Matt Tigilai bilong Yokomo i go pas long pitsa Sam Ikilik, ketsa Billy Nuembi, fes besman Joe Pupua, sotstap Sam Malum, Chris Girana, Jonathan Moang na sampela nupela pes.



• Ol lain pilaia bilong Wanzesi tim husat i go daun long Cairns long dispela wik.

Wanzesi tim i go long Australia

WANZESI em i narakain nem bilong PNG o Afrika o olsem wanem? Em i tru olsem planti manmeri bai paul long dispela nem. long wanem Wanzesi soka klap i go insait nupela tasol long Mosbi soka resis.

Dispela klap i kirap olsem wanpela sosal tim long yia, 1983. Tasol nau ol i gat ful rejistresen aninit long Pot Mosbi Soka Asosiesen. Na ol i gat tripela soka tim insait long resis bilong dispela yia, 1985.

Dispela sosal tim bilong Wanzesi long yia, 1983 i gat ol waitman husat i sanap makim sampela ovasis kantri. (Dispela nem - Wanzesi - i sanap makim Wales, Australia, New Zealand, Englan, Scotlan na

Ireland. Em i wan wan kantri bilong namba wan lain pilai insait long tim).

I no gat stail bilong ron na givim siksti insait long resis bilong ol long bipo. Tasol stail bilong pilai mabel na trik trik i moa yet. Na ol manmeri bilong sapatim soka pilai insait long Mosbi siti i stat long mangalim kain smatpela stail bilong Wanzesi.

Ol i no mangalim Wanzesi nating. Nogat. I gat as. Ol i laik lukim kain smatpela stail bilong patpela golkipa, Tony Beauchamp husat i save tok maski long sais bilong em na klap olsem urita long ketsim bal.

Long las yia, Wanzesi i kamap lig sempian tim long 1st divisen. Ol i kisim promosen na go antap

long Primia divisen long dispela yia. Na i gat 2nd divisen tim na Anda-19 divisen tim bilong en tu long dispela yia.

Wanzesi klap i laki tru long kisim spnsa i kam long Honibrooks Steel Kampani. Ol i amamas long sapat bilong sponsa namel long stat bilong sisen i kam inap long pinis bilong en. Na ol i bilip bai dispela bung bilong klap na Hornibrooks i go het long helpim tim i kirapim nem long neks yia na planti yia bihain.

Long taim sisen i pinis long dispela yia, Wanzesi primia tim i sanap namba 6 long lata, Anda-19 tim i kamap namba tu lida na 2nd divisen tim i

kisim namba 5 ples long wan wan divisen bilong ol. Em i gutpela rekot tru long kain tim bilong en i putim tripela tim insait long resis namba wan taim.

Long dispela sisen Wanzesi i kisim sans na i gat pilai bilong ol ovasis kantri wantaim sampela pilaia bilong planti provins long PNG.

Long pinisim resis bilong dispela yia, Wanzesi klap bai go pilai long Kens, Australia. Ol bai lusim Mosbi long dispela wik Fraide, 25 Oktoba. Na ol bai go resis insait long Straford 1000 Soka Kompetisen. Bai gat 18 pilaia insait long tripela divisen i makim klap na go daun "saut."



"Thanks a million chief I guess I deserve it."



Can you get off my back mate.

Loloata Eels too classy for Sharks

MORE than 1,000 people watched Loloata Eels dump Gairemotu Sharks 28-22 in a tough and classy encounter at Tubuseria over the weekend.

Both teams displayed classical ball handling in the backline while in the forwards there were some bone crushing

runs. The Eels however were able to score first and it was from that early lead that they were able to hold a commanding position

throughout the game.

The Eels' slick and slippery backline spearheaded by youngsters Iamo Sibona, Hanua Kopi, Mataio Moea and Nou Egi, threw the ball around and sometimes looked dangerous with overlaps against the Sharks' line of defence.

The Leka brothers in the forward line along with Fred Lagi, Scott Noho and Egi Rage persistently attacked the Sharks' defence to set up opportunities.

Sharks, however, played their best and even though they were under pressure they kept on ripping at the Eels and tried hard all day. However they were unfortunate to go down.

In the earlier B grade match Raiders edged out Norths in a tight game.



• The Sharks winger scoring his first try.



PEKING, SAINA OKTOBA — Ol Twin brata, Shigeru na Takeshi, tupela wantaim i bin winim bikipela ron resis. Shigeru i kamap namba wan na Takeshi i kamap namba tu long intenesenel resis long Saina. Shigeru (13) na Takeshi (12).



BOGOT, KOLOMBIA, OKTOBA 12 — Ol paitman bilong Kolombia em ol i kolim grup 19 i salim dispela poto bilong 5-pela paitman bilong ol ami bilong gavman bilong ol i bin holim pasim ol long tupela wik i go pinis. Ami bilong gavman bilong ol i no laik toktok long larim ol dispela lain paitman i go fri.



SATIABO, CHILE, 9 OKTOBA — Plis i holim pasim wanpela manki long taim ol studen i mekim protes mas long biktaun bilong Chile. Plis i holim moa long 40 mammeri i stap insait long dispela protes em ol studen i egensim plis long kalabusim ol oposisen lida bilong ol.



KAIRO, IGIP, 12 OKTOBA — Rait plis bilong Iqip i karim ol mambu stik na traime long brukim demonstresen bilong ol studen bilong Kairo Yunivesiti. Ol studen i makim dispela protes demonstresen egensim ol Amerika na Israel.



BALTIMORE, AMERIKA 10 SEPTEMBER — Longshoreman Jack Taylor, 59 i kisim bagarap long han bilong ol plis na i wok long dai. Plis i bin brukim demonstresen bilong ol wokman bilong sip husat i no laik rausim ol kago long ol bikipela sip. Taylor em i wanpela bikman bilong wokus yunian bilong woksip.



MOSKO, RASIA, 11 OKTOBA — Kenel Muammar Gaddafi, lida bilong revolusen long kantri Lybia i putim plaua antap long matmat bilong Lenin Mausoleum.



CO-AIR

Co-ordinated Air Services Pty. Ltd.

Air Charter services throughout Papua New Guinea. Providing you direct access to the rural areas of Morobe Province.

For further inquiries contact:

Terry Zadow or

Keith Thomas

Phone: 42 3707

P.O. Box 1257 Lae.

AERIAL AVE., LAE

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.